

讀  
史  
兵  
略  
續  
編

(五年)以孟珙為京西路兵馬鈞轄初珙父宗政知棗陽招唐鄧蔡州壯士二萬餘人號忠順軍帥之衆不服制置司以珙代海珙分其軍為三衆皆帖然珙又勅平堰於棗陽自城至軍西十八里由八疊河經漸水側水跨九里建通天橋八十有三丈甃田疏頃立十莊三轄使軍民分屯邊備豐初又命忠順軍家自薦馬官給餉粟馬益善息

蒙古兵自唐州趣汴金元帥完顏兩洛索戰於襄城敗績走還汴金主詔軍臣議尚書令史楊居仁請乘其速至擊之平章拜甡遣莽依蘇等部民丁壯萬人開短隄決河水以衝京城命瓜勒佳薩哈勒將步騎三萬巡河渡趣近京諸色軍家屬五十萬口入京城蒙古主用西夏人恤克計自河中由河清縣白坡渡河遣人曉報關聖率師來會薩哈勒行至封邱而還蒙古兵掩至莽依蘇等皆死丁壯得免者僅三百人甲午蒙古主入鄭州金主詔羣臣議所守有曹珠赫塔果勒齊所築襄城決不可守外城決不可棄於是決計守外城命修築櫓器具時京城諸軍不滿四萬而城周百二十里不能徧守故敵以遷避之民充軍又召在京軍官於上清宮平日防城得功者減長補短假借而用得百餘人又集京東西沿河舊屯兩都尉及衛州義軍凡四萬并丁壯二萬分置四面每面選千名飛虎軍以專救應然亦不能單矣蒙古游騎至汴京金完顏哈達伊喇布哈自鄧州率

步騎十五萬赴援蒙古圍壘間蘇布特以方略蘇布特曰城居之人不耐辛苦數挑以勞之戰乃可也遂以騎三千尾之哈達等謀曰敵兵三千而我不戰是弱也進至鈞州沙河蒙古兵不戰而退金軍方盤營蒙古兵復來襲金軍不得休息食飲且行且戰至黃榆店距鈞州三十五里丁酉大雪三尺金兵僵立刀槊凜不能舉壘以其衆衝出蒙古兵自北渡者畢集前後以大樹塞道楊沃衍奪路而前金軍遂次三峯山軍士有不食至三日者蒙古兵與河北兵合四面圍之燔薪燔肉更迭休息乘金困憊開鈞州路縱之走而以生兵夾擊之金軍潰聲如崩山武仙率三十騎入竹林中走密縣楊沃衍樊澤張惠步持大槍奮戰而死哈達知大事已去欲下馬戰而布哈已失所在乃與完顏尋等以數百騎走入鈞州蒙古主在鄭州聞壘與金相持遣昆布哈齊拉齊等赴之至則金軍已潰於是乃合攻鈞州墮其城外哈達匿窟室中城破蒙古兵發而殺之因揚言曰汝家所恃唯黃河與哈達耳今哈達爲我殺黃河爲我有不降何待完顏尋趣避隱處殺掠稍定乃出自言曰我金國大將欲見白事蒙古兵以數騎來之詣壘尋問其姓名曰我忠寧軍總領完顏陳和尚大昌原衛州副管谷之勝皆我也我死亂軍中人將謂我負國家今日明白死天下必有知我者壘欲其降不肯乃斫足脰折之割口吻至耳噴血而呼至死不屈蒙古將有感之者以馬溫爵而祝曰好男子他日再生當令我得之布哈走汴蒙古兵追驅擒之壘命之降往復數百言終不肯但曰我金國大將惟當金國境內死耳遂殺之金之將銳卒俱悉自是不可復振矣蒙古遂略商虢汝陝洛許鄭陳毫頴淮淮等州時民北徙者多餓死東

平萬戶駁責命作慶州置道仍全活者衆

河清縣在孟縣西南白坡當作白波鎮名也。鈞州今禹州黃榆店在孟州境。

久廢矣

初金主聞蒙古入鶻鳳關追圍克坦烏登行省閩鄉以備流關圖克坦伯羅爲副將帥便宜行事伯羅聽入陝榜牒鎮遷入大城城解綱軍聚之陝州近山者入山寨避兵會阿里哈傳旨召烏登援汴烏登遂與流關總帥納哈齊合音兼藍綠帥完顏重昌等帥軍十一萬騎五千盡撤秦藍諸關之備從虢入陝同華閩鄉一帶軍糧數十萬斛備綱船二百餘艘皆順流東下俄聞蒙古兵近糧不及載船悉空下復至趙州民運鹽賣石倉粟會蒙古游騎至殺掠不可勝計金守將李平以流關降於蒙古蒙古兵長驅至陝烏登所發閩鄉軍士各以老幼自隨由西南徑入大山冰晝中部將多叛去蒙古聞之自廬氏以數百騎追及山路積雪晝日凍釋泥淖及脰隨軍婦民棄擲老幼貳號盈路行至餽糧欲戰而饑憊不能振於是重昌先降蒙古斬之於馬前金兵遂大潰秦藍總帥府經歷商衡死焉烏登納哈齊合音從數十騎走山谷間追騎擒之皆被殺石在陝東南

蒙古將特穆爾岱取金睢州遂圖歸德府金行院實嘉紐勒歡偕經月費禹錫等竭力守禦初憲礮少父老有言北門之西菜園中時得古礮云是唐張巡所埋發之得五千有奇城中賴之會慶吾野潰兵亦至勢稍振乃遣提控張定夜出斫營發數礮而遁南城外有高地相傳為尹子奇攻破睢陽故址蒙古移營其上昼夜攻城不能下或見特穆爾岱決河之策特穆爾岱從之河既決水從西北而下至城西南入故灘水城反以水爲

固特穆爾岱收獻策者欲殺之而不知所在乃緩攻

蒙古主將北還使蘇布特攻汴復遣人諭金主降且索翰林學士趙秉文衍聖公孔元措等二十七家及歸順人家屬伊喇布哈妻子并婦女匠鷹人等金主乃封荊王守純子額爾克爲曹王議以爲貿命尙書左丞李懿送額爾克出質諭大夫費摩阿固岱爲講和使未行蒙古蘇布特聞之曰我受命攻城不知其他乃立攻其沿濠列木柵驅漢俘及婦女老幼負薪草墳濠頃刻平十餘步平章拜甡以諭和不敢與戰城中喧譁金主聞之從六七騎出端門至舟橋時新雨淖車輶忽出都人驚愕失措但跪於道旁有旨而拜者金主麾之曰勿拜恐泥污汝衣老幼遮擁至有誤觸金主衣者少頃宰相從官皆至進笠不受曰軍中是錯我何用此西南軍士五六十輩進曰北兵填濠過半平章傳令勿放一鎗恐壞和事豈有此計耶金主曰朕以生靈之故稱臣進奉無不順從止有一子養來長成今往作質汝等略忍待曹王出蒙古不退汝等死戰未晚是日曹王額爾克行蒙古留曹王於營遣李懿等還併力進攻金礮石取良獻太湖壁假山爲之大小各有斤重圓如燈籠蒙古礮破大壁或碎磚爲二三寸用之擴竹礮有至十三稍者每城一角置礮百餘枚更迭上下晝夜不息數日石塊與棄城平而城上樓櫓皆拆故宮及芳華玉溪之材爲之合抱之木隨擊而碎以馬糞麥秸布其上網索梯櫬因護之其懸風板之外皆以牛皮爲障蒙古兵以火礮擊之隨卽延燒不可撲救城乃周世宗所築取灰土爲之堅密如鐵受礮所擊唯聞而已金主復出撫將士值被創者親傅以藥手酌卮酒以賜且出內府金

再以待有功者蒙古兵據外築城圍百五十里城有乳口樓櫓深丈許闊亦如之三四十步置一鋪鋪置百許人守之初拜甡命築門外短牆委曲而隘僅容二三人得過以防蒙古奪門及破攻諸將請乘夜斫營軍乃不能猝出比出已爲蒙古所覺復算死士千人穴城由壕徑渡燒其礮庫城上懸紅紙燈爲應約燈起渡壕又放紙燭置文書其上至蒙古營斬之以誘被俘者皆爲蒙古所覺時有大敵名震天雷以鐵錐盛藥以火點之磧起火發其聲如雷聞百里外所爇圍半畝已上火點輪甲皆透蒙古時爲牛皮洞直至城下掘城爲龕間可容人城上莫如之何乃以鐵錐懸震天雷順城而下至掘處火發人與牛皮皆碎姓無姓又有飛火槍注藥以火發之距前燒十餘步蒙古唯畏此二物攻城十六晝夜內外死者以百萬計蘇布特知未易取乃囁好語曰兩國已講和更相攻耶金主因就應之乃遣戶部侍郎楊居仁出宣秋門以酒炙犒蒙古兵且以金帛珍異賂之蘇布特乃許退兵散屯河洛之間方蒙古之攻城也矢石如雨中有女子呼于城下曰我倡女張風奴也許州破被俘至此彼軍不日去矣諸君努力爲國堅守無爲所欺也言竟投濠死金主使馳祭於西門時女廬人無死事者長公主問於金主曰近來立功效命多諸色人無事時則自家人爭強有事則他人盡力焉得不怨金主默然

金拜甡之守城也樓櫓垂就輒摧倒令取竹爲護築所司馳入城大索無所得拜甡欲斬之或告所司曰金多財橫矣胡不卽平章府求之所司懷金三百賂其家僮果得之及兵退軍士憤怒拜甡不自安謂尚書令史元

好問曰我妨賈路久矣得退爲幸爲我機乞致仕表頃之金主已遣使持詔至其第令致仕軍士欲殺之拜甡懼一夕歎還金主以親軍二百陰爲之衛軍士無以泄其憤遂相率毀其別墅

金恆山公武仙等會兵救汴初三峯之敗仙走南陽收潰軍得十萬人屯留山汴京被圍金主詔仙與鄧州行省完顏色塔韋昌總帥完顏仲德合兵入援仙至密縣東遇蒙古將郭德海卽按軍肩山店報色塔曰阻澗結營待仙至俱進色塔急欲至汴不聽金主又命樞密使特羅喀齊喀帥兵應仙色塔等至京水德海乘之不戰而濟仙亦敗走還留山德海致玉之子也喀齊喀屯中半日色塔軍潰卽夜乘輜重馳還先是有投唐名書于御路書云副樞喀齊喀總帥薩哈勒參政恩楚皆國賊朝廷不殺衆軍亦須殺之爲國除害衛士以聞薩哈勒飲藥死恩楚稱疾不出唯喀齊喀坦然若無事者金主亦無所問及是言者謂喀齊喀始則抗命不出中則還還不進紓則棄軍先遁不斬之無以謝天下金主貸其死免爲庶人籍家財以賜軍士

金中京元帥任守真以入援汴京敗死中京人推警巡使齊克紳爲府簽事齊克紳本河中射糧軍子弟也貌陋而膂力過人時所領軍士僅二千五百人甫三日蒙古兵圍之齊克紳括衣帛爲織立之城上卒士卒赤身而戰以壯士氣百往來敵塵大呼以惑子軍驚號其聲勢與萬衆無異兵器已盡以錢爲鏹得蒙古一箭藏而爲四以箭擊之又創遇敵敵用不過數人能發大石於百步外所擊無不中齊克紳奔走四應所至必捷得二勝級以騎士人不過一唱如授百金之賜蒙百攻三月不能下乃退

金主以和議既絕懷兵再至乃復兼民兵爲守備遂括汴京粟以完珠林等主之珠林諭民曰汝等當從  
實推舉果如一旦糧盡令汝妻子作軍食復能吝否既而饑括粟復以進奉取之且賣官及令民買進士第前  
御史大夫內使哈昭復請進用建管京城括粟尚可得百萬石金主乃命哈昭爲參知政事與左丞李蹻復括  
之哈昭先令各家自賣壯者存石有三斗幼者半之仍書其數門首故有贍君以升斗論罪京城三十六坊各  
選深刻者主之完顏玖珠尤酷果有寡婦一人賣豆大斗餘有蓮子約三升玖珠笑曰吾得之矣寡婦以令于  
衆婦泣懼曰妾夫死于兵姑老不能爲耕故雜蓬粃以自食非敢以爲軍儲且三升六斗餘也玖珠不聽賣杖  
死聞者股栗憲槩其餘甚潤中或白于李蹻蹻蹙感曰白之參政及白哈昭哈昭曰人云花又不捐蜜又得成  
花不損何由成蜜且京城危急今欲存社稷耶存百姓耶衆莫敢言所括不能三萬斛滿城蕭然死者相枕貧  
富束手待斃遂至人相食金主聞之命出太倉米作粥以食餓者錫默愛賣獻曰與其食之何如勿奪爲幸御  
博諾所告金主怒送愛寶有司賴近侍李大節救免

(六年)金主乘舟濟河大風復軍不克濟丁未蒙古將和爾古訥追擊于南岸金元帥賀德希力戰死兵溺者  
千人元帥珠爾都尉赫舍哩謾等死之金主在北岸望之震懼庚戌次滻麻岡遣拜甡帥師攻衡州至城下  
以御旗招之城中不應蒙古聞之自河南渡河拜甡遂退師蒙古史天澤以騎兵踵其後丁巳戰于白公廟金  
師敗績拜甡棄軍東遁元帥劉益上黨公張開皆爲民家所殺金主進次蒲城復逼魏樓邑猶欲俟蒙古兵至

決戰少頃拜甡至倉皇言軍已潰北兵近在咫外請幸歸德金主遂與副元帥和爾和等六七人夜登舟潛渡河走歸德翌日諸軍始聞金主棄師遂大潰金主入歸德遣奉御珠嘉塔克寢布往汴京奉迎太后及后妃諸軍怨憤拜甡自瀘城還不敢入金主召拜甡至數其罪下獄死仍籍其家財以賜將士曰汝輩宜竭忠力毋如斯人誤國初瀘河居民間金主北渡築壘塞戶酒伏洞穴及見宮察官努一軍號令明確所過無絲毫犯老幼婦女無復畏避及拜甡往衛州縱軍四掠哭聲滿野所過邱墟一飯之費至數十金公私皇民始思叛故衛州堅守而蒙古之迫無來援者以至于敗初汴人以金主親出師日聽捷報及聞軍敗衛州倉皇走歸德始大懼時薩布特攻城日急內外不通米升至銀二兩殲死相望搘紳士女多行乞于市至有自食妻子者諸皮器物皆煮食之賣家第宅市樓肆鋪皆撤以歸及金主遣使至汴奉迎兩宮人情益不安西南元帥崔立性浮狡因民潤潤與其黨韓鏗葉安國等潛謀作亂左司都事元好問謂薩尼雅布曰自車駕出京今二十日許又遣使迎兩宮民間皆謂國家欲棄京城相公何以處之薩尼雅布曰吾二人惟有一死爾好問曰死不辭誠能安社稷救生靈死可也如其不然徒欲以一身飽五十紅衲軍亦謂之死耶薩尼雅布不答金太后皇后發行至陳留見城外二三處火起疑有兵復馳還汴京戊辰崔立率甲士二百橫刃入省中拔劍指完顏納紳及薩尼雅布曰京城危困已極二公坐觀何也二相曰有事當好諭之何遽如是立麾其黨先殺薩尼雅布次殺納紳及左司郎中納哈塔德輝等十餘人卽諭百姓曰吾爲二相閉門無謀今殺之爲汝一城生靈請命衆皆稱快

金自南遷復爲安撫者往往無恢復之謀無寧相習低眉緩語互相推諉以爲莫相體每有四方災異民間疾苦將以奏必相謂曰恐聖主心困事至危慮輒罷散曰俟再議已而復然或有言當改革者輒以生事抑之故所用必擇懦熟無錄鋟著用之每蒙古兵壓境則君臣相對泣下或殿上發長吁而已兵退則張大其事會飲黃閣中矣竊立勦兵入宮集百官議所立立曰衛紹王太子從格其妹公主在北兵中可立之乃遣韓鏗以太后命往召從格至以太后詔命爲梁王監國百官拜舞送款詣蘇布特爾蘇布特至青城着立服御女儀衛往見之蘇布特喜飲之酒立以父事之還城恐燒樓櫓蘇布特益憂溫麻闕在長垣西北白公廟在汲縣東  
魏樓村在長垣西長垣即古滑城也

金桓立諱太后作書陳天時人事遣金主乳母入歸德招降立遂以太后皇后梁王荆王及諸妃嬪凡車三十七兩宗室男女五百餘人衍聖公孔元楷等及三教賢卜工匠織女赴青城劉祁彌跋曰此國初受宋降處也今迺復至此乎蘇布特殺梁荆二王及族屬而送后妃等於和林寶符李氏行至宣德州自縊於摩訶院佛像前且書其門曰寶符御侍此處身故見者哀之諸后妃不知所終蘇布特入汴京以金人擅殺唐慶取諸宰執家屬治罪故相候擊見殺竊立時在城外兵先入其家取其妻妾寶玉以出立時太慟而已初蒙古之制凡攻城不降矢石一發則屠之汴京既破蘇布特遣使言於蒙古主曰此城相抗日久士卒多傷請屠其城耶律楚材聞之驅見蒙古主曰將士是辭數十年所爭者土地人民耳得地無民將焉用之蒙古主未許楚材又曰凡弓矢甲仗金玉等匠及官民富貴之家皆聚此城殺之則一無所得是徒勞也乃詔除完顏氏一族外餘皆原

免時避兵在汴者尙百四十萬戶皆得保全遂爲定制

金唐鄧州行省武仙次於順陽與唐州守將武天錫鄧州守將伊喇瓊相掎角謀迎金主入蜀遂使光化其鋒甚銳孟珙遁天錫壘一鼓拔之壯士張子良得天錫首以獻俘將士四百餘人又敗金人於呂堰俘獲不可勝計遂攻順陽武仙敗走馬蹬山縣令李英及申州安撫張林皆以城降珙言於史嵩之曰歸附之人宜因其土地而使之耕因其人民而立之長少壯縉爲軍俾自耕自守才能者分以土地任以職事使各招其徒以殺其勢嵩之從之呂堰在襄陽北七十里

衛州白公廟之潰官弩母爲蒙古所獲金主命官弩因其母以請和官弩乃詣亳州塞與特穆爾岱言欲却金主以降特穆爾岱信之還其母因定和計官弩乃日往來講議或乘舟中流會飲其道來使者二十餘輩金主密令官弩以金銀牌與之勿令還營因知王家寺大將所在官弩乃定研營之策端午日祭天軍中因備火槍戰具官弩夜率忠孝軍四百五十人登舟殺守隄還卒徑至王家寺特穆爾岱之營金主御北門繫舟待之慮不勝則走徐州四更接戰忠孝軍却而復進官弩以小船分軍五七十出柵外腹背攻之持火槍入蒙古軍特穆爾岱不能支大潰溺死三千五百餘人官弩盡焚其柵而還遂拜真左副元帥參知政事命智顥總其軍以守亳州官弩既敗特穆爾岱勢益暴橫居金主於照碧堂諸臣無一人敢奏對者於是內局令宋珪奉御紐祜祿溫綽烏古遜愛實等密謀誅官弩且聞蔡州城池堅深兵衆糧廣威勸如蔡州會蔡州僕陳頤等州便宜

總帥烏摩哩鑄鐵米四百斛至尚德且請歸奉金主遼決策如蔡興理等謀召宰相議事而令溫綽伏照碧堂  
門間官射入溫綽從後刺其肋金主亦拔劍斫之首努中創投城下以走溫綽愛實追殺之忠孝軍聞變皆懼  
甲溫綽謂金主親擇馳之於是金主御雙門赦忠孝軍以安反側金主發歸德時久雨朝士扈從者徒行泥水  
中招賣乘爲糧足經密膳明日至亳州金主黃衣皂笠金冠韞帶以青黃旗二導前黃繖擁後從者二三百人  
馬五十四而已城中父老奔伏道左金主遣近侍諭以國蒙涵養汝輩百有餘年今朕無德令汝塗炭朕不足  
言汝輩無忘祖宗之德衆皆呼萬歲泣下留一日進次毫南六十里避雨雙溝寺中萬艾滿目無一人迹金主  
太憲曰生靈盡矣爲之一慟入蔡州以完顏仲德爲尚書右丞總領省院事烏摩哩鑄爲御史大夫總帥如故  
仲德有文武才事無巨細率親爲之選士括馬繕治甲兵未嘗一日怠奉幸秦犧之志近侍久因遷播幸郎安  
於蔡告娶妻營業不輒遷徙旦夕言西幸不便時蒙古兵去蔡差遠商販漸集金主亦安之遣使分諸道選  
兵詔禁得精銳萬餘兵威稍振忠孝軍提控李德率十餘人乘馬入省大呼以月糧不侵幾肆罵督仲德縛德  
杖之金主諭仲德曰此軍得力方以倚用卿何不容忍之仲德對曰時方多故錄功疎過自陛下之德至於將  
帥之職則不然小犯則決大犯則誅強兵悍卒不可使一日不在紀律蓋小人之情縱則驕驕則難制睢陽之  
禍豈獨官勢之罪亦有司縱之太過耳今欲更易前轍不宜愛克厥威責必由中罰則臣任其實軍士聞之無  
復敢犯法者時從官近侍皆窮乏悉取給於烏摩哩鑄鑄不能人滿其欲日夕譖於金主至以尚食齋供爲言

金主怒遂誅鏗鏗憂憤成疾多不視事

金主以齊克紳守中京有功降詔獎諭授中京留守又以參政內族色埒自南山領軍十餘萬入洛行省事齊克紳建一堂於洛州驛東名曰報恩刻詔文於石廟以死自效蒙古自汴驅色埒之子於金昌府東門下誘色埒降色埒命左右射之既而聞崔立之變病不能語而死副帥烏凌阿呼圖代行省事齊克紳行總帥府事月餘糧盡軍民稍散蒙古兵復至陳於洛南齊克紳陳於水北蒙古韓元帥匹馬立水濱招降齊克紳躍而射之韓奔退陳率步卒數百奪橋金軍有一卒獨立拒之殺數人齊克紳卽手解都統銀牌佩之士氣復振初城外四隅至五門內外皆有屏謂之迷魂牆蒙古以五百騎追之齊克紳率卒二百鼓譟而出蒙古退走呼圖以蒙古兵強卽以輕騎挈妻子奔蔡州鷹揚都尉獻西門以降齊克紳率死士數十突東門出轉戰至偃師力盡就戮載以一馬擁迫而行將見蒙古帥塔齊爾齊克紳語不通兵卒誘之曰汝能北面一屈膝當貸汝卽齊克紳不從左右持使北面齊克紳拗須南向遂殺之金中京金昌府今河南府也蔡州今汝南府

孟珙大敗金武仙於馬蹬山降其將劉儀珙問仙盛實儀召仙所據九砦具大砦石穴山以馬蹬山妙帖山三砦敵其前三砦不破石穴未可圖也若先破離金砦則帖山妙窩孤立矣珙乃遣兵攻離金砦殺數百是夕復令壯士搗王子山砦斬金將首而出遂圍馬蹬殺戮山積還至沙窩西與金人戰大捷未幾丁順復破默候砦於是仙之九砦六日破其七砦召珙曰此砦既破板櫓石穴必震汝能爲我招之乎儀請選婦人三百僞

遼騎橫招安榜以往珙料仙勢窮蹙必上岵山絕頂窺伺乃令樊文彬駐軍其下已而仙衆果登山文彬麾旗  
伏兵四起仙衆失措枕藉塵胥殺其將烏沙惹擒七百三十人乘鎧甲如山薄暮珙進軍至小水河儀言仙謀  
往商州依險以守然老稚不願北去珙曰進兵不可緩夜漏下十刻召文彬等授方略明日尋食敗行時積雨  
未霽文彬憲之珙曰此雪夜擒吳元濟之時也策馬直至石穴分兵進攻自寅至巳破之仙走追至鮚魚砦仙  
筮見易服而遁復戰於銀葫蘆山又敗之仙與五六騎奔追之屢不見降其衆七萬珙追襲陽馬廳山在漸川  
陽馬廳山在漸川東九十里石穴在其東十里鮚魚在漸川西十里餘未聞

蒙古都元帥塔齊爾使王楨至襄陽約攻蔡州金主以重九拜天於節度使廳謀臣暗從成禮金主面諭之曰  
國家自開創潤養汝等百有餘年汝等或以先世立功或以勞效起身披堅執銳稍有年矣今當厄運與朕同  
患可謂忠矣比聞北兵將至正汝等立功報國之秋縱死王事不失爲忠孝之鬼往者汝等立功常感不爲朝  
廷所知今日臨敵朕親見之矣汝等勉之因賜卮酒酒未竟遞騎馳報敵兵數百突至城下將士踴躍咸請一  
戰金主許之是日分防守四面及子城衆出戰蒙古兵潰奔塔齊爾以數百騎復駐城東金主遣兵接戰又敗  
之自是蒙古不復薄城分築長壘圍之孟珙江海帥師二萬連突三十萬行赴蒙古之約塔齊爾大喜益修攻  
具斷木之聲聞於城中城中驚恐往往竊議出降完顏仲德日以國家恩澤君臣分義撫循其民且營備禦備  
未嘗入私室軍民感奮始有固志金裁冗員汰冗軍及定官吏軍兵月俸半已饑餓民老稚羸疾者出城既而

出城者多賣城中虛實復築之蔡州攻圍益急金盡籍民丁防守民丁不足復括婦人壯健者假男子衣冠運木石金主親出撫諭之金人自東門出戰孟珙遮其歸路得降人言蔡城中飢珙曰已窘矣當并力守之以防夾圍珙與塔齊爾約南北軍毋相犯塔齊爾遣張柔帥精兵五千薄城金人鋤二卒以去柔中流矢如蝟珙麾先鋒救之挾柔以出十二月珙進逼柴潭立柵潭上命諸將奪柴潭樓金人來爭諸軍潰以而上遂拔柴潭樓蔡州恃禪爲固外卽汝水潭高於汝五六丈城上金字號樓伏巨弩相傳基下有龍人不敢近將士疑畏珙召麾下飲再行酌曰柴潭樓非天造地設伏弩能射遠而不可射近彼所恃此水耳決而注之涸可立待遂擊墻潭果決入汝珙命寶以薪草蒙古亦決隴水於是兩軍皆濟己卯攻外城破之進逼土門金人驅其老稚焚熬爲油號人油燄人不堪其楚珙道道士說止之金帥富珠哩中洛索帥精銳五百夜出西門人荷束蒿沃油其上將燒兩軍寨及礮具蒙古兵先覺之伏於隱處挽強弩百餘火發矢亦發金兵却走傷者甚衆洛索僅以身免兩軍合攻西城克之因墮其城先是完顏仲德命築寨浚濠爲備及西城墮兩軍皆未能入但於城上立柵自敵仲德摘三面精銳日夕戰禦金主謂侍臣曰我爲金紫十年太子十年人主十年自知無大過愧死無所恨所恨者祖宗傳祚百年至我而絕與古荒淫暴亂之君等爲亡國獨此爲介介耳又曰亡國之有往往爲人囚戮或爲俘虜或辱於階庭或閉之空谷朕必不至於此卿等觀之朕志決矣以御用器皿賞戰士已而徵服卒兵夜出東城隸道去及拂曉敵兵戰而還殺廄馬以犒將士然其勢不可爲矣

柴潭在汝陽縣南三里水出淮山東至易縣入淇

權工部侍郎趙范入見帝問近日何者爲急范奏曰事有本末有緩急獎廉退去姦邪此國之本務國未富兵未強此今日之急務也大農課額大虧於昔要必有由至於兵之未強則緣諸邊近年築城太多遂分兵力國家之兵衆則不少散則不多若能散能聚可守可戰使江淮表裏皆有可恃之勢則戎馬侵突足以禦之矣帝問蒙古議和事范曰爲禦蒙古之策則可宣和海上之盟其初堅如金石緣倚之太重備之不至遠以取禍此近事之可鑒者帝曰和豈可恃耶丁卯詔趙摎措置沿邊備禦緩急調遣並聽便宜趙摎入見帝問曰金與蒙古交爭和議如何摎對曰今邊事未強軍政未備且與之和一年無警當作兩年預備若根本既壯彼或背盟足可禦敵臣至淮東當修車馬備器械爲野戰之計固城壁濠隍爲強邊之圖更欲爲陛下經理屯田帝曰卿規模甚遠其彌意爲朕屢布

(端平元年)孟珙同蒙古兵圍蔡州會飲歌吹聲相接城中飢餓歎息而已先是辛丑黑氣壓城上日無光出降者自城中絕糧已三月鞍韁敗鼓皆靡煮且聽以老弱互食諸軍日以人畜骨和草泥食之又往往斬敗軍全隊拘其肉以食故欲降者衆珙乃令諸軍銜枚分運雲梯布城下金自被圍以來將帥戰沒甚衆以近侍分守四城蒙古兵鑿西城爲五門以入督軍鏖戰及暮乃退聲言來日復集是夕金主集百官傳位於東面元帥哩鴻及其將帥二百人皆降時百官稱賀禮畢亟出捍敵而南城已立宋輒俄頃四面鼓譟夾攻聲震天地南

面守者棄門走孟珙招江海塔齊爾之師以入完顏仲德帥精兵一千巷戰不能禦金主自經於幽闕軒仲德聞之謂將士曰吾君已崩何以戰爲吾不能死於亂兵之手吾赴汝水從吾君矣諸君其督爲計吾訖赴水死將士皆曰相公殉國吾輩獨不能耶於是參政富珠哩小洛索烏凌阿呼圖總帥元志元帥裕瑚爾赫舍哩柏壽烏庫哩和勒端及軍士五百餘人皆從死焉仲德狀貌不逾常人好賓客及薦舉人才人有才長必極口稱道其掌軍務費罰明信號令嚴整故所至軍民咸樂爲用危急死生之際無一人有異志者南遷以後將相文武忠死始終無瑕者仲德一人而已承麟退保子城聞金主殂率羣臣入哭奠未畢城破珙乃與塔齊爾分金主骨及寶玉法物承麟亦爲亂兵所殺金亡先是金有都提控畢資倫者爲邊將所獲囚於鎮江土獄裕誘百端終不肯降至此已十四年矣及聞金主自經歎曰吾無所望矣容吾一祭吾君乃降耳主者信之爲屠牛羊殺祭鉤江南岸資倫祭畢伏地大哭投江而死

時方謀出師監察御史李宗勉言今朝廷安恬無異於當時士卒未精銳資糧未充衍器械未犀利城壁未繕修於斯時也守猶不可而況進取乎借曰今日得蔡明日得海又明日得宿豫然得之者未必可守萬一舍恩薄忿髮生倉猝將何以濟臣之所陳豈曰外患終不可平土宇終不可復哉亦欲量力以有爲相時而後動耳願詔大臣愛日力以修內治合衆謀以嚴邊防節冗費以裕邦財招強勇以壯國勢仍飭沿邊將帥毋好虛名而受裨害左撫右扼勿失機先則以逸待勞以主禦客庶可保其無虞苟使本根固士馬精強觀聲而動

用兵未晚也

主管官告院張煜進對帝問以邊計煜對曰蒙古非金幣可比但和議難恃須選將練兵儲財積粟自固吾圉俟小使回可和則姑與之和然不可撤備帝然之

召許應龍爲禮部郎官初應龍知湖州盜陳三槍起贛州出沒江西閩廣間與鍾全相結勢甚熾逼陳轉帥江西任應龍討捕應龍調水軍土兵分扼要害斷橋開塹斬木塞途諭統領官齊敏曰兵法攻環今鍾全殘寇將盡而陳三槍勢方猖獗若先破鍾則陳不戰而瓦解如其言於是諸寇皆平至是召入對帝謂之曰卿治潮有聲與李宗勉治台齊名應龍曰民無不可化願牧民者如何耳遷國子司業

史嵩之進兵部尚書時趙范趙葵欲乘時攝定中原建守河據關收復三京之議朝臣多以爲未可獨鄭清之力主其說乃命趙范移司黃州刻日進兵范參議官邱岳曰方興之敵新豎而退氣盛鋒銳甯肯捐所得以與人耶我師若往彼必突至非惟進退失據開闢致兵必自此始且千里長驅以爭空城得之當勤餽餉後必悔之范不聽嵩之亦言荆襄方爾饑饉未可興師淮西運判杜杲上言曰臣備員邊郡切見沿淮旱蝗連歲加以謂發無度蠶連不時生桑蕭條難任征發中原板蕩多年不耕無糧可因千里饋運士不宿飽若虛內以事外移南以寶北腹心之地豈不可慮亟行簡時在告上疏曰方今境內之民困於州縣之貪刻扼於勢家之兼并賊黨之橫常欲乘時而報怨荼鹽之寇常欲伺間而竊發剽擗之豪傑未可保萬一兵興於外縱於強敵而不

得休濱池赤子復有如江閩東浙之事其將奈何夫民至懼而不可忽內郡武備單弱民之所素易也往時江閩東浙之寇皆藉邊兵以制之今此曹猶多竄伏山谷窺伺田里彼知朝廷方有事於北方其勢不能以相及甯不動其姦心臣恐北方未可圖而南方已先騷動矣願堅持聖意以絕紛紛之說淮西總領吳潛亦告執政論用兵復河南不可輕易以金人既滅與蒙古爲鄰法當以和爲形以守爲實以戰爲應自荆襄首納空城合兵攻蔡兵事一開調度狹廣百姓狼狽死者枕藉得城不過荆榛之區獲俘不過曖昧之骨而吾之內地荼毒已甚近聞有進恢復之讐者可謂僥倖然取之若易守之實難征行之具何所取資民窮不堪激而爲變內郡卒爲盜賊矣今日之事豈容輕議皆不聽詔知廬州全子才合淮西兵萬人赴汴時汴京都尉李伯淵李琦李謙奴等爲崔立所侮謀殺之及聞子才軍至伯淵等以書約降而陽與立謀備禦之策立不知伯淵已遂爲所殺全子才次於汴趙彞自滁州以淮西兵五萬取泗州由泗趨汴以會之彞謂子才曰我輩始謀據關守河今已抵汴半月不急攻洛陽瀘關何待耶子才以糧餉未集對彞督促益急乃檄鈴轄范用吉樊辛季先胡顯等提兵萬三千命淮西制置司機宜文字徐敏子爲監軍先令西上又命楊誼以廬州強勢軍萬五千繼之各給五日糧徐敏子歛行遺和州留淮軍正將張迪以二百人趣洛陽迪至城下城中寂然無應者至晚有民庶三百餘家登城投降迎興敏子遂帥衆入城蒙古國王塔斯巴引兵南下時汴隄決水寢泛溢糧運不繼所復州郡皆空城無兵食可因敏子入洛之明日軍食已竭乃采蒿和糲作餅而食之楊誼至洛東三十里方散坐

金兵南下時前將軍李安濟被罵而前南師奔潰遁入洛水死者無數詔僅以身免塔齊爾拊  
育安背曰真職將也是晚有潰卒奔告於洛者在洛之師皆零氣蒙古兵至洛陽城下立營徐敏子與戰勝負  
相當士卒之糧因被馬而食餃子等不能留乃班師趙葵全子才在汴亦以史堪之不致餽糧用不繼擊古兵  
又決黃河寸金淀之水以灌南軍南軍多渴死遂肯引師南還

朱摶祖林拓以八陵圍上進帝與諸陵相去幾何及曉前澗水新復揚祖恐以對帝忍涕太息久之初揚祖等  
行至襄陽會謀報說古咱騎已及孟津陝府濱河南皆增屯戍設伏兵又聞淮閩刻日進師衆畏不前孟珙  
曰淮東之師由淮西溯汴非旬餘不達吾選精騎疾馳不十日可峻事速師至東京吾已歸矣於是珙與二使  
盡夜兼行至陵下奉宣御表成禮而還

召真德秀爲翰林學士德秀上封事曰移江淮甲兵以守無用之空城運江淮金穀以治不耕之廢壤富庶之  
效未期根本之弊立見惟陛下塞之重之旋進戶部尚書

(二年)以帶御器械簽權主管侍衛馬軍行司公事孟珙黃州駐劄珙入對帝問恢復珙對曰願陛下寬民力  
蓄人材以俟機會問和議珙曰臣介內之士當言戰不當言和賜賞甚厚珙至黃增埤浚隍蒐討軍實邊民來  
歸者日以千數爲屋三萬間以居之厚加賑貸又慮軍民雜處因高阜爲齊安鎮淮二砦以居諸軍  
前權發遣肇慶府陳雷舊入對言廣東民兵首領事帝曰廣東民兵之制如何雷舊曰止爲保衛鄉井無調發

之擾無出戍之勞且臣所奏民兵不止爲廣東設伏見親政以來百度振飭未見成效大驗者何也良由竭東南之力養百萬之兵財力既竭內治不易兵力既殲外攘亦難顧陛下於民兵加之意非惟可以攢嘉雄之膽絕盜賊之萌當不費億萬而盡得天下精勇之用帝曰廣西曾行之否雷聲曰廣西前後帥臣未能行此然二廣賴民兵之用爲多如向者廣東峒寇陳三槍之叛招捕陳輝正藉民兵協力收獲如近者廣州戌卒之叛既自兵變自難以本州之兵制之僅與之實率首領民兵登城捍禦叛卒遂遁此皆已試之效陛下若由二廣推而行之澤被生靈者廣矣帝首肯再三

蒙古主命皇子庫端庫春等使蜀漢及江淮又命皇子庫裕克姪莽質扣伐西域唐古婁庫齊伐高麗蒙古人每甲一人西征一人南征中州戶每戶一人南征一人征高麗初議者欲遣回回人征江南漢人征西域以爲得制御之術耶律楚材曰不可中原西城相去遼遠未至敵境人馬疲乏氣水土異宜疾疫將生宜各從其便從之

臣僚請宣諭沿江兩淮荆襄帥各釋私憾協志同謀調度通用急難相濟或玩視詔書復相疑忒書退之選大臣有實望者佛居督府或畀宣撫之任置之荆淮之間統帥列閫專其節制而總事權不惟平居暇日調一其心臨事之際亦可如臂指之相使從之

都官郎官萬達曾趙范趙葵陳摶素不同心帝曰置兩督視須可使諸將協和遂又言人才難得過有小大當

多事時亦當斟酌而用之帝曰有過者不可例棄

臣察言故侵蜀境制臣趙彥呐連年調度師老財殲兵分力薄若上流不固則吳楚有衝決之勢願以保蜀爲  
念倘有申請悉爲報從或遣襄陽援兵早爲起發諸司應於錢物無分彼此悉力傾助以扶其危從之  
蒙古庫端入沔州知州事高稼死之稼在沔葺理廬殘招集流散民皆襁負歸之及數與蒙古力戰奇功甚多  
至是庫端自鳳州入西川東路之師多敗遂擣西池谷距沔九十里吏民譖退保大安稼冒於制置使趙彥呐  
曰今日之事有進無退若能進據險地以身擣蜀敵有後顧必不深入如倉皇召兵退守內地敵長驅而前蜀  
事去矣彥呐曰是吾志也已而竟行留稼守沔蒙古自白水關入六股株距沔六十里沔無城依山爲阻稼升  
高鼓噪盛旗鼓爲疑兵彥呐至賈口帳前總管和彥威以軍還沔召小校楊俊何璘以兵會又選精兵千人命  
王宣帥以助之已而蒙古兵大至璘遁沔州遂破衆擁稼出戶稼叱之不能止敵圍殺之彥呐聞稼死沔州破  
乃遁屯青野原蒙古圍之曹友聞曰青野爲蜀咽喉不可緩也卽往救之夜半戰遂解其圍旣而蒙古先鋒  
汪世顯擒大安友聞又救之指揮甫舉蒙古衆數萬突至友聞迎戰又敗之蒙古乃退友聞遂引兵入扼仙人  
關友聞彬十二世孫也西池谷在沔縣西北白水關在留羌西南九十里六股株在沔縣西  
閘口在略陽東北鳳縣西南卽沮口也青野原在略陽北百四十里

(三年)前知安豐軍王瓊言今日備邊之計宜於新復州軍留恩以衛光留壽春以衛光留泗以衛招信留  
澠水以衛山陽帝曰正欲如此瓊又諭沿邊事宜以節制多門爲虛帝曰開督府正欲統一事權招信軍  
今旰胎

京湖制置使趙范在襄陽以北軍主將王冕李伯淵樊文彬黃國彌等爲腹心朝夕酣狎民訟邊防一切廢弛既而南北軍交爭范失於撫御夏伯淵焚襄陽城郭倉庫降於蒙古時城中官民尚有四萬七千有奇財粟在倉庫者無慮三十萬軍器二十四萬金銀鹽鈔不與焉皆爲蒙古所有南軍大將李虎因亂劫掠襄陽一空自岳飛收復以來百三十年生聚繁庶城池高深甲於西陲一旦灰燼范倒三官落職仍舊職任

左司諫李宗勉上言均房安斬光化等州兵禍甚烈然江西可以無憂者獨有襄陽今又告變矣襄陽失則江陵危江陵危則長江之險不足恃昔之所慮猶在秋冬今之所慮祇在旦夕江陵或不守則事迫勢蹙必有危亡之憂悔將何及

帝追悔聞過聲命學士吳沂草詔罪己監察御史王萬謂沂曰用兵固失計之甚恐亦不可示弱今邊民意如髮宜以振厲奮發興感人心沃然之癸丑詔曰朕猥以眇躬獲承丕緒屬簪金之寢滅而蒙古之與鄰不利西南蓋嘗隣階成而擾興沔其在辛卯遽乃穿金房以瞰襄樊逮合謀成破蔡之功恐假道有及虞之勢心之憂矣麟可噬乎固將布失於國中以志吾過但使留屯於塞下自守我疆忽西陲之弗甯駭北騎之深入重以均房之叛將發此京湖之禍機肆荼毒於列城至蔓延於他路兵民之死戰歸戶口之困流離室廬扉存骼骭相望致搜帥之暴虐及科役之繁苛爲之騷然有足憫者是皆朕明不能燭德有未孚上無以格乎天之心下無以定乎民之志遂令有衆多告非奉朕方施令發政以爲緩輯之圖補卒蒐乘以嚴守禦之備想瘡痍之溢

目如疾瘡之在身吾爾寧俟予至意

蒙古復破隨郢二州及荆門軍殿中侍御史李宗勉率全臺言曰蜀之四路已失其二成都隔絕莫知存亡諸司退保隨門未必能守襄漢昨失九郡今郢破荆門又破江陵孤城何以能立兩淮之地人民奔走井邑邱墟陛下誠能亟下哀痛之詔以身率先深自貶損出內帑儲蓄以風動四方然後勸諭威曉世臣隨力輸財以佐公家之調度分上流淮東淮西爲二帥而以江淮大帥總之或因今任或擇長才分地而守聽令而行公私之財分給四處俾之招潰卒募流民之強壯者以充游兵以補軍籍仍選沿流諸郡將士爲捍禦之圖猶可支吾不然將水陸俱下大合荆楚之衆擾我上流江以南豈獨矣或謂其勢強盛宜於講和欲出金幣以奉之是抱薪救火空國與敵也

御前諸軍統制曹友聞與蒙古戰於大安軍陽平關敗績死之初友聞帥師扼仙人關謀報擊古合蕃漢軍五十餘萬將至友聞謂弟萬曰國家安危在此一舉衆寡不敵豈容浪戰惟當乘高據險出奇設伏以待之蒙古攻武休關敗都統李顯忠軍遂入興元欲衝大安軍劄置使趙彥呐檄友聞控制大安以保宣口友聞馳書彥呐曰汝陽蜀之險要吾重兵在此敵有後顧之憂必不能越沔陽而入蜀又有曹萬王宣首尾應援可保必捷大安地勢平曠無險可守正敵騎所長而吾步兵所短況衆寡不敵豈可以平地控禦彥呐不從友聞計以寡擊衆非無夜出奇內外夾擊不可乃遣弟萬及友諒引兵上雞冠隘多張旗幟示敵堅守自選精銳萬人夜渡

江密往流溪設伏約曰敵至內以鳴鼓舉火爲應外呼殺聲蒙古兵果至萬出逆戰蒙古巴圖魯及塔爾海帥步騎萬餘人往來搏戰矢石如雨萬身被數創令諸軍舉烽友聞分所部爲三以禦敵親帥精兵三千人疾馳至隘下先道統領劉虎帥敢死士五百人衝敵前鋒不動友聞乃伏三百騎道旁而令虎衝枚突陳會大風雨諸將請曰雨不止淳淳沒足宜俟少驛友聞叱曰敵知我伏兵在此緩必失計遂擁兵齊進西軍素以綿費代

鐵甲經雨濡溼不利步騎黎明蒙古以鐵騎四面圍繞友聞歎曰此殆天乎吾有死而已於是血戰於鶻與翼

俱死軍盡沒蒙古兵遂長驅入蜀事聞賜友聞謚毅節

陽平關在南羌州東北九十里仙人關在鳳縣西南百二十里武休關在鳳縣西南百餘里大安軍在河縣置

口在鳳縣西南三十里雞冠關在河縣西南六十里

蒙古特穆爾岱攻江陵史嵩之遣孟珙救之珙遣張順先渡江而自以全師繼其後移易旌旗服色循環往來

夜則烈炬照江數十里相接又遣趙武等與戰珙親往節度遂破蒙古二十四營奪所俘二萬口而歸

蒙古將察罕攻真州知州邱岳部分嚴明守具周悉蒙古薄城輒敗岳乘勝出戰於胥浦橋以強弩射殺其致  
師者一人蒙古兵少却岳曰敵衆十倍於我不可以力勝也乃爲三伏設礮石待之西城兵至伏起礮發殺其  
騎將蒙古衆大擾岳遣勇士襲敵營焚其座帳越二日始引去

軍器監兼樞密副都承旨王埜請聯絡江淮賑卹邊民討捕盜賊帝曰江淮之勢如何埜首不過重一闖之  
權以統之帝曰流民可急整曰流民紛紛蠭聚弱者困斃强者剽掠帝爲之蹙額因曰江西之寇尙未平埜曰

遂始於衡之篤縣僉犯古州今南安峒寇又發向有淮兵可調今無以應遂集鄉丁合禁軍共爲剿除非以一  
官錢細兩路討捕之事則權不一帝曰如三節制之類整曰事正如此願陛下思之帝曰然

(高熙元年)蒙古安篤爾旨於宗王曰廩西州縣方平人心猶貳漢中當廳獨之衝宜得良將鎮之宗王曰安  
反側制盜賊此上策也然無以易故遂分蒙古千戶五人隸之以往安篤爾遣將南戍沔州之石門西戍隨州  
之兩水謹斥堠嚴巡守禦遂固石門鎮在夏陽縣西北兩水疑即曲水今文  
縣治也地當南北二水之曲故名兩水城

屯田郎官王萬進對帝曰卿是淮人熟知邊事對曰臣非知兵陸贊有言兵法無他人事而已但以人情區處  
卽是兵法帝問其說萬曰一和字沮衆誤國帝曰和亦不可廢萬曰若專立爲題則不可要當並爲戰守規模  
蒙古宗王昆布哈圖光州史天澤先破其外城攻子城又破之進次復州南師以舟三千鎖湖面爲柵天澤曰  
柵破則復將自潰親執桴鼓督勇士四十人攻之不逾時柵破復州降進攻壽春天澤獨當一面南師夜出斫  
營天澤手所擊殺無數麾下兵繼至悉擁南師入淮水

昆布哈攻黃州孟珙引師救却之遂攻安豐杜杲縛完守禦繫古以火攻焚樓櫓果隨陷隨補蒙古招敵死士  
燒巴隱魯攻城以自效果募善射者用小箭射其目巴隱魯多傷而退蒙古墮濠爲二十七壘果分兵扼壘蒙  
古乘風縱火俄而風雲驟作果募壯士奪壘路士皆奮躍力戰會池州都統制安豐呂文德突圍入城合力捍  
禦蒙古兵遂引還文德魁梧勇悍號號城中趙彞見其遺履長尺有咫異而訪之值文德出獄脊負虎鹿各

一而歸召置帳下累功超遷軍職

蒙古兵攻夔府蜀兵陳江之南岸蒙古千戶郝和尙選騎勇九人乘輕舸先登橫馳陳中既出復入蜀兵大敗  
二年蒙古使王欽入見議歲幣銀兩各二十萬李宗勉言輕諾者多後患當守元約然比之開禧時物價騰  
踊爰曾倍蓰矣史嵩之力主和議宗勉言使者可疑者三嵩之職在督戰如收復襄光控扼施澧招集山砦保  
固江淮皆今所當爲若所主在和則凡有機會可乘不無退縮之意必致虛損歲月坐失事功

蒙古察罕帥兵號八十萬圍廬州期破廬造舟巢湖以佐江左於深外築土城六十里鑿兩濠攻其數倍於攻  
安豎時杜杲竭力守禦蒙古築壘高於城樓杲以油灌草即壘下焚之皆爲熒燼又於串樓內立雁翎七層俄  
而中壘上衆驚果乘勝出戰蒙古敗走杲追蹤數十里又練舟師扼淮水遣其子庶監呂文德彊斌伏精銳於  
要害蒙古不能進遂引軍歸詔加杲准西制置使獎諭有功將士賞賚有差

三年孟珙與蒙古三戰遂復信陽軍及樊城襄陽城又復光化軍恩蔡亦降珙因上奏曰取襄不難而守爲  
難非將士不勇也非軍馬器械不精也實在乎事力之不給爾襄樊爲朝廷根本今百戰而得之當加經理如  
增元氣非甲兵十萬不足分守與其抽兵於敵來之後孰若保此全勝上兵伐謀此不爭之爭也乃以蔡恩降  
人質忠衛軍襄鄖降人質牛錄軍

蒙古兵攻襄陽丙寅詔曰秋防將近邊警日聞朕旣命宰臣以督師正藉諸閩之協濟所宜一乃心力同應事

蜀四川急則荆閬援之和瀘急則江關援之真秦急則淮閩援之務要嚴密毋或懈怠相視

孟珙識知蒙古塔爾海等帥衆號八十萬南下策其必道施齡以遼湖湘乃請粟十萬石以給軍餉以三千人

屯峽州千人屯歸州命趙珙以精兵五千駐松滋為警聲援增兵守歸州隘口萬戶谷及蒙古至珙密遣諸將  
舞之又以千人屯施州蒙古既入蜀珙增置營砦分布戰船遣兵間道抵均州防遏且設策備禦未幾蒙古渡

萬戶谷大堰皆在歸州西湖在萬戶南

萬州湖鄉施燮發勸珙兄環時知峽州帥兵迎拒於歸州大堰岩勝之遂復夔州

四年前漢川路運使吳申入奏抗言蜀事帝感懼久之帝曰蜀從前亦委寄非人申言棄邊郡不守鄭捐也

敵

淮卒爲亂桂切淵也忠勇而不救趙彥呐也今彭大雅又踰謫變詐大費防閑宜進孟珙於夔門以東南

之力助之夔猶足以自立帝是之

十六〔高祐二年〕倉部郎官胡希堅言蜀自易帥之外未有他策帝曰今日救蜀稱急朕與二三天臣無一日不議蜀事孟珙亦欲竭力而前希堅曰當擇威望素著之人當夔峽要害建一大關帝曰重慶城堅恐自可守希堅曰重慶在夔峽之上敵若長驅南下雖城堅如鐵何救東南之危帝然之知梧州趙時學陞辭旨與玠守蜀三關今晉失之固宜成都難守帝曰嘉定可守否時學曰若論形勢當守重慶帝曰若守重慶成都一路便虛時學曰重慶亦重地可以上接利闢下應歸峽

淮東安撫制置副使余玠入奏言事無大小須是務實又言方今世間之豪傑一或卽戎則

指之爲粗人斥之爲嗇伍顧陛下視文武爲一勿令偏重偏則必激非國之福帝曰卿人物識論皆不尋常可獨當一面以余玠樞工部侍郎四川宣帥使應事干機速許同制臣公共措置先行後奏尋詔四川官吏軍民等悉條陳大計以聞余玠陛辭冒外攘本於內修帝曰今日之事不必固故選疑與不疑但自靠實理會治內規事玠曰聖諭及此宗社生靈之福帝曰卿前所言錯實工夫玩之有味此去必能見之行事卿宜務忠實以革欺誕施威信以戢渙匈廣恩愛以撫流移當爲四歸經久之謀勿爲一時支吾之計

〔三年〕工部郎官兼樞密院編修官趙希辟言安豐處深風寒最甚三州安則淮甸無虞江而奠枕帝曰安豐最弱希辟云欲固安豐須復海春帝然之

是秋冀古察罕奏令萬戶張柔繩諸軍鎮杞初河決於汴西南入陳留分而爲三屯居其中潭南師恃舟楫之利由亳泗以窺汴洛柔乃卽故杞之東西中三山順殺水勢築連城結浮梁榜進戰退耕之計守禦以固樞密院編修官兼樞都官何式首蜀事帝曰正好乘暇作工夫時方倚任余玠故言及之先是勾中財賦入戶部三司者五百餘萬緡入四總領所者二千五百餘萬緡金銀綾錦之類不預焉自寶慶三年失閩外端平三年蜀地殘破所在州縣無幾國用益寢十六年間凡授宣撫使者三人制置使者九人副使四人或老或病或庸或貪或慢刻斂戾或遜領而不至或生隙而望謀兩川民不聊生監司戎將各專號令昂日益壞及余玠至大更弊政邇選守卒築招贊館於府之左供張一如帥所居下令曰集衆思廣忠益諸將孔明所以用獨也士

欲有謀以告我者近則徑詣公府遠則自置於所在州縣以禮遣之高祖重賞朝廷不吝豪傑之士趙期立事今其時矣士之至者玠不厭禮接咸得其歡心自有可用隨才而任不可用亦厚遺謝之播州冉璡及弟璡有文武才略居鑿中前後聞帥辟召皆不至聞玠賢兄弟相率詣謁玠置禮之館數加厚居數月無所冒玠乃更別館以處之且日使人窺其所爲兄弟終日不言惟對踞以垂畫地爲山川城郭之形起則漫去如是者又旬日節見玠舜人曰爲今日西蜀之計其在徙合州城乎玠不覺躍起曰此玠志也但未得其所耳曰蜀口形勝之地莫若釣魚山請徙諸此若任得其人積粟以守之勝於十萬師遠矣玠大喜遂不謀於衆密關於朝請不次官之詔以璡爲承事郎璡發遣合州璡爲承務郎璡通判州事徙城事悉以任之命下一府皆譁然以爲不可玠怒曰城成則蜀賴以安不成玠獨坐之諸君無預也卒築青居大獲釣魚雲頂天生凡十餘城皆因山爲壘幕布罿分爲諸郡治所又移金州兵於大獲以護蜀口移沔州兵於青居興州兵先駐合州舊城移守釣魚共備內水移利州兵於雲頂以備外水於是如臂使指聯絡屯兵聚糧爲必守計民始有安土之心玠又作經理四蜀圖以進曰幸假十年手挈四蜀之地還之朝廷然後歸老山林臣之願也玠易言王公設險以守其國雲頂山徙河西於順慶南二十五里青居山又徙隆慶於劍州小劍山頂苦竹隘徙蓬州於州東南二十里雲山徙金州於蓬溪東三十里大獲山徙梓州於通江東百二十里得漢山徙夔州於其東十三里白帝山徙合州於其東十二里釣魚山即遷山也

(四年)初利州都統王夔素殘悍號王夜叉自漢州敗歸益桀驁不受節度所至刦掠每得官家用非法刑罰

取金帛稍不遂意卽殺之民不堪命余玠至嘉定變率所部兵迎禡機羸弱二百人玠曰久聞都統兵精今疲敝若此殊不稱所望變曰變兵非不精所以不敢卽見者恐變從人耳順之班聲如雷江水為沸旗艦精明舟中皆戰掉失色玠自若徐命吏班賞獎退語人曰儒者中乃有此人玠欲誅變患其握重兵恐輕動危蜀謀於親將楊成成曰今變弗誅養成其勢一舉足西鄙危矣變在蜀雖久有威名孰與吳氏吳氏當中興危難之時能百戰以保蜀傳之四世根本益固一旦曠為叛逆諸將誅之如取孤豚況變無吳氏之功而有矯之逆心縱兵殘民奴視同列誅之一夫力耳待其發而取之難矣玠意遂決夜召變計事潛以成代領其衆變甫出而新將已單騎入營將士皆錯愕相顧不知所為成以帥指臂曉之遂相率聽命變至玠斬之薦成爲文州刺史以四川安撫使孟珙兼知江陵府珙謂其佐曰政府未之思耳彼若以兵綴我上下流有急將若之何珙往則彼擣吾虛不往則誰禦掉患識者是之珙至江陵登城歎曰江陵所恃三海不知組洳有墻爲桑田者敵一鳴鞭卽至城外自城以東古猶先鋒直至三汊無有限隔乃修復內壩十有一別作十隘於外有距城數十里者沮漳之水舊自城西入江乃障而東之俾遙城北入於漢而三海遂通爲一隨其高下爲柵蓋淺三百里間渺然巨浸土木之功百七十萬民不知役艱圖上之

(五年)史嵩之從子璗卿嘗以書諫嵩之曰伯父秉天下之大政必能辦天下之大事膺天下之大任必能成天下之大功比所行漸不克終用人之法不待熟舉而改官者有之謹責未幾而旋罷敘理者有之丁娘未幾

遠被起復獨有之僧曰有非常之才有不次之除願恩與賞所以收拾人才而不知斯人者果能還鄉唯憲獻  
大奇之策而得之乎抑亦惑略寡彊而得之乎果能驅身鞍馬場一戰之勇而得之乎抑亦效驛奴僕而得之  
乎徒聞苞苴公行政出多門便嬖私昵狼狽萬狀祖宗格法至今日而壞極矣自開督府東南民力困於供餉  
州縣倉卒匱於應辦釐金帛輓芻粟絡繹道路一則曰督府二則曰督府不知所幹者何事所成者何功近者  
川蜀不守議者多歸退師於鄂之失何者分戍列屯備邊禦敵首尾相援如常山之蛇雖揚則有范獎廬江則  
有杜伯虎金陵則有別之傑爲督府者宜據鄂渚形勢之地西可以援蜀東可以援淮北可以鎮荆襄不此之  
圖恐捐藩籬深入堂奧伯父謀身自固之計則安矣其如天下甚生何是以飢民叛將與虛擣危侵軼於沅湘  
搖蕩於鴨澧蓋江陵之勢苟孤則武昌之勢未易守荊州之路稍警則江浙諸路焉得高枕而臥况殺降失信  
則前日微弱之計不可復用矣內地失護則前日清野之策不可復施矣此隙一開東南生靈特几上之肉耳  
宋室南渡之疆土惡能保其金甌之無闕也蓋早爲之圖上以寬九重宵旰之憂下以慰雙親朝夕之望不然  
師老財殚續用不成主憂臣辱公論不容萬一不畏強禦之士繩以春秋之法聲以討罪不效之咎當此之時  
雖優游菽水之養其可得乎

(六年)京湖安撫制置大使廳路策應大使兼江陵府孟珙卒初珙招中原精銳萬五千餘人分屯漢北樊城  
新野唐鄧間皆百戰之士號鎮北軍駐襄陽及王曼李虎軍亂鎮北亦潰珙乃重購以招之降者不絕歲古行

省范用吉亦密遣降款以所受告命爲質珙白於朝不從珙歎曰三十年收拾中原人心今志不克伸矣遂發病是月朔大星隕於境內聲如雷卒之日大風發屋折木珙隨父宗政立戰功忠君體國督撫士卒軍中參佐部曲讚事冒人人異珙徐以片言折衷衆志皆懾建旗鼓臨將吏面色凜然無敢涕唾者退則連聲色薄滋味蕭然若事外追封吉國公謚忠襄

蒙古額呼布格聞蒙古主既立分遣心腹易置將佐散金帛賚士卒又命劉太平果拉噶拘收關中錢鏗時琿塔哈自先朝將兵屯大盤太平等陰相結納琿塔哈復分遣人約成都之喀喇卜和卓青居之奇爾台布哈同舉事是月額呼布格遂自稱帝於和林阿勒達爾及六盤守將琿塔哈舉兵應之劉太平果拉噶聞麻希憲將至乘傳急入京兆謀爲變奏人前被阿勒達爾太平等威脅聞其來皆破膽越一日希憲亦至宣示詔旨遣人馳往大盤宣諭安撫未幾城門候引一急使至云來自六盤希憲詢之嚇得太平果拉噶與琿塔哈等要結狀悉憲策優佐謂曰主上命我輩正爲今日遂分遣人掩捕太平果拉噶等復追劉健誅喀喇卜和卓於成都枉惟正誅高廟台布哈於青居又命總帥汪良臣率秦寧諸軍進討琿塔哈良臣以未得旨爲辭希憲卽解所佩虎符銀印授之曰此皆身承密旨君但辦吾事制符已飛奏矣良臣遂行又擒屬卒四千命巴崇帥之爲良臣擊拔會有詔徵至希憲命殺太平等於獄戶於通衢方出迎詔琿塔哈知京兆有備西渡河烟甘州會阿勒達爾吉和林兩兵至遂合軍而南諸王哈坦卒騎兵與巴崇汪良臣兵合分三道以拒之既陳大鼎吹炒瓦臣令

軍士下馬以短兵突其左腕出陳後潰其右而出巴欒直擣其前哈坦勒精騎邀其歸路大戰於甘州東殺輝塔哈阿勒達爾薩麻悉平麻希憲乃遣使自効停赦行刑徵調諸軍擣以良臣爲帥誅罪蒙古主曰委卿方面之寄正欲從宣若拘常制豈不坐失事機詔賜希憲金虎符進平章政事行省榮蜀如故以商挺參知政事以冷應灝知德慶府前守政不立縱聚吏淪獄峒獠遂爲變逼城六十里而營應灝未入境馳檄諭之曰汝等不獲已至此斬太守且上轉禍爲福一撫也苟從影附亦宜早計去就否則不免矣獵欲自歸不累衆稍引去應灝知其勢解印屬士馬出不意一鼓擒之乃請諸監司歸郡之避難留幕府者誅繫吏之激禍害應灝嘗曰治官事當如家事情官物當如己物方今國計內虛邊聲外警吾等受上厚恩安得清談自高以誤世聞士行木望之吾師也侍應州今屬廣德府

(二年)瀘川安撫副使劉整以瀘州叛降蒙古賈似道既憾高達曹世雄之輕己令呂文德招撫其罪過世雄死達廢棄整懼會俞興帥劉整竊與興有隙而似道方會計過責興遣吏下整整訴於朝不得達遂密送款於蒙古蒙古成都經略使劉寔遣其子元振往受其降諸將皆曰整無故而降不可信也元振曰宋憲臣當國賞罰無章有功者往往以計除之是以將士離心且整本非南人而居瀘南重地事勢與李全何異整此舉無可異者元振至瀘整卽出降元振棄家先下馬示以不疑明日請入城元振釋戎服與整並轡而入飲燕至醉整心服焉蒙古以整爲夔路行省兼安撫使蒙古由是盡得國事虛實而似道不以爲虞

鄆帥俞興以劉整叛移檄討之蒙古劉元援助堅守瀘興進軍圍之幾夜急攻城幾陷左右勸元振曰事勢如此宜思變通整非吾人與俱死無益也元振曰人以城歸我既受其降豈可以急而棄之且瀘之得失關係國家利害吾有死而已未幾援兵至元振與整出城合擊興大敗而還詔以興姑功取戎罷任鑄職

馬光祖代趙葵與葵素有隙且迎合似道召更稽勾簿甚卒不能得其疵乃以正月望夕張燈宴設錢三萬緡爲葵放散官物聞於朝汪立信力爭之曰方艱難時趙公莅事勤勞而公以非禮擣拾之公一旦去此後來者復效公所爲可乎光祖怒曰吾不才不能爲度外事知奉朝命而已君他日處此勉爲之立信曰使立信不爲則已果爲之必不效公所爲也光祖益怒立信遂投効去初立信通判江陵府葵制置荆湖嘗以公事効立信及在沿江府亦謀譖真誥立信與葵蓋未嘗有一日之歡也信州謝枋得以趙葵檄給錢聚隸民兵守禦及會計者至信枋得曰不可以累宣撫自償萬緡餘不能辦乃上奏似道有云千金而募徒木將取信於市人二卵而棄于城豈可聞於鄰國遂得免徵

(三年)蒙古江淮大都督李璮久萌異志前後所奏凡數十事皆憚疑虛喝以動蒙古而自爲完繼益兵計至是召其子彥簡於開平修築濟南益都等城壁遂據蒙古兵以濰海三城來歸獻山東郡縣請贈父過仍遣總管李毅等傳檄列郡詔授璮保信甯武軍節度使督視京東河北路軍馬封齊郡王復其父全官爵蒙古宣撫副使王榮聞李璮爲亂脫身走濟南蒙古主騎召之令燃綢問計攀曰孽子狂妄卽敗矣蒙古主問綢曰卿

得何如對曰使壞乘我北征之隙濟海撫燕明訓居庸懷敵人心爲上策與宋連和固持久數擬北邊使吾  
反於奔救爲中策如出兵濟南待山東諸侯應援此成擒耳蒙古主曰今賊將安出對曰必出下策蒙古主然  
之蒙古命中樞阿珠各將兵赴濟南李璮帥衆出掠轄重將及城北蒙古兵邀擊大破之斬首四千璮退保濟  
南蒙古主命諸王哈必齊總諸道兵擊李璮復命丞相史天澤往諸將皆受節制天澤至濟謂哈必齊曰璮多  
驕而兵精不宜力角當以歲月斃之乃深溝高壘遏其侵軼行初軍趣管張宏範臨發父柔謂曰汝圍城勿避  
險地險則已無懈心兵必致死主者慮其險有犯必救可因以立功至是宏範營城西璮出兵突諸將營獨不  
向宏範密範曰我營險地璮乃示弱於我必以奇兵來始遂築長壘內伏甲士外爲壕閉東門以待夜盜壕加  
深廣明日璮果擁飛橋來攻未及岸軍陷壕中得升壕者突入壘門遇伏皆死連水今安東縣海州東海縣三城未聞

蒙古命宋子貞參議軍事子貞至濟南觀形勢說史天澤曰李璮擁衆東來坐守孤城宜增築外城防其奔突  
彼糧盡援絕不攻自破矣譖與天澤合遂築環城圍濟南璮自是不得出城西南有大湖亘歷山史樞一軍獨  
當其險夾澗而城豎木柵於澗中溝雨暴漲木柵盡壞樞曰賊乘吾隙俟夜必出命作篝炬數百置城上三鼓  
賊果至飛炬擲之風怒火烈弓弩齊發賊大潰踰牆死者不可勝記董文炳知其勢蹙乃抵城下呼璮愛將田  
都帥曰反者擅耳餘來卽吾人毋自取死也田祖城降璮猶日夜拒守分軍就食民家發其蓋藏以繼不足則  
家賦之璫令以人爲食參議官姜或曾於哈必齊曰聞王面受詔勿及無事今城旦夕破宜早諭諸將分守城

門勿令縱兵不然城中無噍類矣哈必齊曰汝冒城破解陰陽耶或曰以人事知之哈必齊爲下令禁止壇知城且破乃手刃妻妾乘舟入大明湖自投水中爲蒙古所獲天澤殺之解其體以徇引軍東行未至益都城中人已開門迎降三齊復爲蒙古所有初壇兵有沂濰兩軍二萬餘人勇而善戰哈必齊以配蒙古諸軍陰使殺之文炳當殺二千人馳告哈必齊曰彼爲壇所虧耳殺之恐乖天子仁聖之意哈必齊從之然他殺者已衆皆大悔時山東尙未靖蒙古主以文炳爲經略使文炳至益都從數騎便服而入至府不設警衛召壇故將吏撫諭於庭下所部大悅山東以安初天澤征壇蒙古主臨軒授詔委以專征天澤至軍未嘗以詔示人旣還蒙古主慰勞之時言者謂壇之變由大藩子弟盡專兵民之權天澤奏罷之請自臣家始於是史氏及張柔嚴忠濟子弟皆退私第歷山在濟南府南五里

子弟皆退私第

大明湖在城內西北隅

蒙古闢建等路都元帥汪良臣以釣魚山險絕不可攻請就近地築城曰武勝以扼南師往來從之

釣魚山合州也

劉整督於蒙古主曰南人惟恃呂文德耳然可以利誘也請遣使以五帶饋之求置榷場於襄陽城外從之使

書至鄆請於文德文德許之使者曰南人無信安豐等處榷場每爲盜所掠築土牆以護貨物文德不許或

謂文德曰榷場誠我之利且可因以通好文德請於朝秋七月置榷場於樊城外築土牆於鹿門山外通互市

內築堡壘蒙古又築堡於白鶴由是敵有所守以通南北之援時出兵哨掠襄樊城外兵威益熾文德弟文煥

知爲蒙古所賣以書諫止文德始悟然事無及徒自咎而已

鴈門山在襄陽府東三十里白馬山在府城東南十里

(五年)夏貴攻虎頭山蒙古宣撫使張周瑞新築城當砦皆裂立標守之標壞乃依大樹張牛馬皮以禦砲貴以城中飲於湖外絕其水道麻環煮鹽糊土中以救與人日飲數合脣皆瘡裂堅守踰月不懈帥府參謀焦德裕拔之夜降督令卒各持三炬貴驚走德裕追之敗貴於鵝谿虎頭山未聞是在瀘川府北  
鵝谿在鹽亭縣西北八十里

(咸淳元年)夏貴率軍五萬攻瀘川蒙古都元帥劉元禮所領數千宋兵不敢諸將登城有燐色元禮曰料敵制勝在智不在力乃出戰貴軍却走復大戰於蓮溪自寅至未勝負不快元禮激厲將士曰此去城百里爲敵所乘則城不可得入瀘川非國家有矣丈夫當以死戰取功名時不可失也卽持長刀突陳將士咸奮貴兵大敗元禮元振之弟也蒙古主召而厚賚之命後還瀘川元禮遂立蓮溪寨瀘川屬瀘州

(三年)蒙古都元帥阿珠侵襄陽遂入南郡取仙人鎮城等柵俘生口五萬軍還南師邀之襄樊間阿珠乃自安陵渡以濟留精騎五千陳牛心嶺復立虛寨設疑火夜半南師至伏發大敗死者萬餘人仙人鎮城襄陽未  
西南二十里又接壤安陵

北有安陵坪屬江寧邑

(四年)右正言黃鏞言今守邊急務非兵農合一不可一曰屯田二曰民兵川蜀屯田爲先民兵次之淮襄民兵爲先屯田次之此足食足兵良策也不報

蒙古以劉整爲都元帥與阿珠同議事整至軍中與阿珠計曰我精兵突騎所當者破惟水戰不如宋耳兼彼所長造戰船習水兵則事濟矣初阿珠過襄陽駐馬虎頭山宿漢東白河口曰若築壘於此襄陽糧道可斷也

至是整亦築砦白河口及鹿門山遣使以聞許之於是遂城其地呂文德大懼遣人以蠟書告呂文德文德怒且督曰汝妄言邀功設有之亦假城耳襄樊城池堅深兵備支十年令呂六堅守果整妄作春水下吾往取之比至恐遁去耳誠若爾美之阿珠繼又築壘漢水中與夾江堡相應自是南軍援襄者皆不能進

虎頭山在襄陽府南二里

白河口在府東北十里  
鹿門山在府東三十里

(十年)蒙古以李楨爲襄陽軍馬萬戶先是楨言於定宗曰襄陽乃吳蜀之要衝宋之喉襟得之則可爲他日取宋之基本定宗嘉其言至是有此授從定宗遺意也

(十一年)帝諭輔臣曰昨覽京湖報程璣盧氏縣之捷差強人意朕以寡昧服祖宗之令緒兢業不敢荒甯適值十六七年應酬不暇鄭清之曰自古事業專在立志謝方叔曰今日寶有機會吳潛曰今日事體漢中爲四蜀之首襄陽爲京湖之首浮光爲兩淮之首此當在陛下運量中徐清豐曰願陛下益厲自強之志帝曰內修之事又當結人心貪污官吏爲民害者不可不嚴加懲戢

浮光疑有誤

帝諭輔臣曰邊事未息武備當嚴五兵所先莫如弧矢昔种世衡守青湖日教習射羌人畏之其法可以推行諸路帥閫守臣講明區畫詳議激勵使各自衛鄉井弓弩箭隻聽從其便

詔兩淮沿江京湖制司於江北地分及淮西山寨管內應有官屯民田耕種去處並令團結隊伍隨其聚落就中擇衆所服者充甲長任責給保有警卒其所部務從便宜或有疏虞先憲頭目人有能勦率強壯精習武藝

者先與獎勵將來能出力應敵以資命運實

(十二年)蒙古置經略司於汴分兵屯田自庫端取漢上諸郡因固軍戍境上驛而襄樊等處復降而歸附民盡為軍官分有由是降附路絕雖歲使淮蜀軍將惟利剽掠城無居民野皆焚掠至是皇弟呼必彥從橫州之旨請於蒙古主置經略司於汴以孟克史天澤楊惟中趙彊為使傳屯田廣鄉等州授之兵牛敵至則戰退則耕屯西起糧鄧東連滑口機掘列陣守之

詔宰執曰近聞北騎之來往往備禦確立乘機以為因利乘便之計守臣邊將欲擋城退守則有老帥費財之患欲開闢接戰又有兵疲禍始之憂今朕欲於兩淮沿江各令立一項游擊軍以備不時調遣設若緩途隨宜應援使大軍備師據虛此正李廣縱部曲逐水草統飛將軍之遺意也又聞邊疆之外皆平原曠野北騎奔突邊臣每有迅雷不及掩耳之勢今朕欲令極遼州郡開濱水道去城百里之間三里一溝五里一池使北騎不得長驅而入邊民亦可為耕種之計此正古者立方田開溝澗以限戎馬之遺意也邊防二事久注朕懷茲興廟等共籌之帝又諭輔臣方田事且令近城為之游擊軍當招水步各半朔方叔等曰容講行之

(寶祐元年)以余玠亮賴朝玠之治蜀也任都統張寶任軍旅安撫王維忠治財賦監簿朱文炳接賓客皆有常度至於修學養士輕徭以寬民力薄徵以通商賈蜀既富實乃麗京湖之關邊閘無警又檄東南之戍自寶慶以來蜀閩宋有能及之者然久假便宜之權不顧嫌疑昧於勇退遂來競口又最構措房壁足以廉得事情

獨明智保身之義  
亦宜爲國自愛也

然寄耳目於蠻小故人多懷疑懼及聞召不自安一夕卒或謂仰藥死猶人莫不悲之按余幼之事成功名

之際者可以爲監不

蒙古皇弟呼必賚征雲南師次武則分兵三道大將烏闌哈達由西道諸王秦赫由東道呼必賚由中道乙已留轎重於滿陀城率師前進蒙古兵過大渡河又經行山谷二千餘里至金沙江乘草叢及械以渡慶安寶主索和爾圖迎降其地在大理北四百餘里呼必賚遣使諭大理降時僧子聰在軍中每贊皇弟以天地之好生王者之神武不殺皇弟契其言烏闌哈達分兵攻白蠻所在寨柵以次下之獨阿達喇所居半空和寨依山枕江牢不可拔使人覘之晝當先絕其汲道烏闌哈達率精銳立礮攻之阿達喇遣兵來拒烏闌哈達使其子阿珠迎擊之衆兵退走遂并其弟阿蘇城俱拔之辛丑白蠻送款蒙古中道兵薄大理城初大理主段智興微弱國事皆決於高祥是夕祥卒宋適去皇弟呼必賚遣使迫之皇弟既入大理曰城破而我使不出計必死矣越四日西道兵亦至命姚樞搜防圖籍乃得使者之尸皇弟怒將屠其城樞及僧子聰張文謙諫曰殺使相命者高祥耳非民之罪請宥之樞裂帛爲旗誓止殺之令分號倚陽大理之民賴以全活蒙古兵出龍首關搜高祥斬於姚州皇弟呼必賚班師留烏闌哈達攻諸蠻之未下者以劉時中爲宣撫使武則未聞舉安撫主因在今麗江府界龍首關在大理府

是春獨中旱蒙古諸將以嘉陵漕舟水涸欲棄益昌去汪德臣曰國家以蜀事付我有死而已奈何棄之盡棄

所擄萬騎士突嘉川得糧二千餘石雲頂山戍將呂達將兵五千邀擊之復擄糧五千餘石既而魚韃  
金牛水陸運輸至屯田亦登食用送給

蒙古烏闌哈達攻烏蠻次羅都府營高昇拒戰大破之進至其所都押赤城城際漁池三面皆水既險且堅  
遇戰勇以礮摧其北門縱火焚之皆不克乃大震鼓鉦進而作作而止使不知所爲如是者七日伺其困乏夜  
五鼓遣其子阿珠潛師躍入亂斫之遂大潰至昆澤擒其國王段智興餘衆依阻山谷分命裨將掩襲約三百  
擣而內向及圍合阿珠引善射者二百騎四面進擊烏闌哈達陷陳屢戰又攻織寨拔之至乾德格城烏闌哈  
達病委軍事於阿珠環城立敵以草填堅眾軍始集阿珠先率所部搏戰城下遂破其城

蒙古城光化舊治帝問光化事體謝方叔言增築光化在漢江之北欲以溫和守光化令在兩奴堡對江與之  
相持均州據光化上流已令增兵爲備詔溫和知光化軍

牟子才上言首尾長幾二萬里今兩淮惟寶似道荆蜀惟李曾伯二人而已可爲寒心宜於合肥別立淮西  
制置司江淮別立荆湖制置司且於撫楚光黃均房巴閬蘇劍要害之郡或增城或增戍以守之貢似道聞之  
怒曰是欲削吾地也

蒙古張柔以連歲勸兵兩淮頗於糧運奏請據毫之利蒙古主乃詔柔鎮亳州率山前八軍城之柔又以濁水  
北淺隘不可舟軍既病涉曹濮熟博聚皆不至乃築兩路自毫抵汴隴百二十里流深而不可築復爲橋十五

或廣八十尺橫以二堡戍之

清水無源東城以下  
僅不盈尺故不可舟

(三年)蒙古張柔會大帥於符離以百丈口爲宋往來之道可容萬艘遂築甬道自毫而南六十餘里中爲橫江堡又以路東六十里晉水可致宋舟乃立柵水中密置僨騎於所達之路由是鹿邑南陵考城柘城楚邱南頓無宋患陳蔡潁恩糧無不達百丈口即潁州西北之百尺口

也楚邱今曹縣南領今項城縣

(四年)帝諭輔臣累年北騎涉淮可於沿邊措置防遏董槐言敵有謀攻棗陽軍者近吳淵已焚其所立寨舍帝曰可早取光化如蜀之陷口淮之濱海皆當諭聞臣及時圖之若根蒂已固可無後患

帝諭輔臣曰秋防不遠宜事事爲之備董槐曰羅鬼國報思播州謂北兵留大理招養蠻人爲禦道此甚可憂

帝曰彼不能支擊殺及我矣董槐言瀘州之上鑿井設險以待敵兵此事不可吝費程元鳳曰宜令播州以兵

助羅鬼制司以兵助播州詔以銀萬兩使思播約羅鬼爲援思今思南府播今遵义府羅鬼者羅甸也今貴陽安順等地思播州在其東北

帝問輔臣曰吳淵乞筑兵以備瀘思播何以應之程元鳳曰欲令淵且還兵五千至夔門瀘州有急則援瀘

瀘思播有急則援思播東可以拒金洋南可以庇彝峽却從沿江調兵五千以補京湖之數滇今瀘州城今叙州夔門今夔州

連江利園兩營三城擊破宋兵奪其船二百艘於馬湖江遂還道於嘉定重慶抵合州濟蜀江與汪德臣等會

此皆要南之鹽也浦江今  
金抄江屬江在馬湖

(五年)蒙古文廟既城光化萊陽備餉糧會攻襄陽築城南據漢江北阻湖水卒不得渡文廟夜引兵於湖水狹隘處伐木拔根立於水濱以薪草爲橋頭之即成至曉兵悉渡河已合城中大驚文廟復統軍前行營外城襄陽守將高達力戰於白河乃還

帝謂韓臣曰昨日縱雖有以邊臣久任爲言者朕諒之曰李漢超守閩南十七年郭進守山西二十年官皆止於觀察使久任邊臣乃祖宗取將帥服中外之法也穆元鳳對曰誠宜率由舊章

帝曰播州乞兵趙事勢頗急當令夾擊程元鳳曰已令朱譟孫襲其後呂文德遇其前卽聖訓所謂夾擊也時朝廷徒空言尋蒙古兵宋入境耳按張託空言而無實用最爲宋人通病大抵天下之君無能百端不無力行一事

蒙古烏闌哈達進兵壓交南境安南國王陳日要隔洮江列騎步兵甚盛烏闌哈達分軍爲三隊濟江齊齊克圖從下流先濟大帥居中騎馬懷剛與阿珠在後仍授齊齊克圖方略曰汝軍旣濟勿與之戰彼必來逆我騎馬斷其後汝伺便奪其船隻若橫走至江無船必爲我擒矣師旣登岸卽與戰齊齊克圖連命安南人羅大敗得駕舟逸去烏闌哈達怒曰先鋒違我節度國有常刑齊齊克圖憤飲鉢死烏闌哈達入安南日要遁入海島蒙古得前所遣使於獄中以破竹束體入席比釋縛一使死因屠其城日要誅歟烏闌哈達乃大憲軍士而還沈江襄花江之下流也自永安化土司入越

帝曰昨付出資平關其間險要處皆營置屯程元鳳督故平濟浪海溪三處營審度緩急分置大小屯

「六年」蒙古主命諸王額埒布格居守和林阿勒達爾輔之自將南伐由東勝河渡次六盤山軍四萬號十萬分三道而進蒙古主由隴州趣散關諸王穆格由涇州趣米倉道萬戶額埒布格由涇關趣沔州帝曰成都係蜀安危不可不亟圖之丁大全對曰朝廷既已示勸何事不可爲時邊境危急而大全習爲便給如此蒙古主進次漢中都元帥禡均留遼喇卜和卓劉璣等守成都自率衆渡馬湖醴守將張貴遣之招諭苦竹隘竄入隘遂與守將楊立堅守蒙古主入利州觀其城池並淺惡以汪德臣能守賜卮酒獎諭之遂渡嘉陵江至白水命德臣造浮梁以濟進次劍門蒙古主進攻大棗山遣王仲招守將楊大淵大淵殺之蒙古主督諸軍力攻大淵懶號以城降淮官趙彊死之大淵逃歸蒙古主怒欲屠其城將官李呼喇齊曰大淵去事未可測當亟追之乃單騎至城下門未閉大呼入城曰皇帝使我撫汝軍民卽下馬執大淵手曰上方宣諭賞賚不待而來何也大淵曰恐城深有他變是以亟歸耳因與偕來蒙古主大悅以大淵爲都元帥以蒙古兵入蜀詔荊湖制置使馬光祖移司陝州向士璧移司綏寧府時士璧不俟朝命進師歸州招家貲百萬以供軍費光祖亦不待奏請招兵萬人捐銀萬兩以募壯士迎戰於房州詔光祖士璧各進一秩東唐州在開化縣西六盤山在固原州西南

銀山上白水在昭化縣北唐元西南又西南流劍門矣

大盤山在青溪縣東綏寧府今彭水縣屬州今房縣

〔開慶元年〕蒙古主命降人晉國寶招致合州守臣王堅執之殺於閬武場蒙古主遂命大將渾塔哈以兵二萬守大盤奇爾台布哈守青居山命禡均造浮梁於涪州之龍市以杜援兵二月蒙古主自雞爪灘渡廩抵合

州城下俘男女萬餘堅力戰以守蒙古主會師圍之合州受圍自二月至於六月王堅固守力戰蒙古主屢督諸軍攻之不克前鋒將汪德臣選兵夜登外城堅率兵逆戰迎明德臣軍騎大呼曰王堅我來活汝一城軍民宣早降語未既幾為飛石所中因得疾卒食天大雨攻城梯折後軍不克進而止蒙古主狃於釣魚山史天澤與謀臣率北遁於是合州圍解晉居山在順慶南三十五里蘭市在涪州西六十里雖不澗在合州東北釣魚山尋合州城所在

蒙古弟呼必賚遣楊惟中郝經宣撫京湖江淮將歸德軍先至江上經言於皇弟曰經聞國天下之事於未然則易救天下之事於已然則難已然之中復有未然者使往者不失而來者得遂是尤難也國家舊起朔漢城金源并西夏既克成都平大理蹤跡諸夷奄征四海垂五十年遺黎殘姓游氣驚魂庶劉嗣望殆欲殲悉自古用兵未有若是之久且多也且括兵卒賦朝下令夕出師罔境大舉伐宋而圖混一以志則銳以力則強而術則未盡也苟於諸國既平之後創法立制敷布條綱任將相選賢能平賦足用屯農足食內治既寧外禦亦備今西師之出久未即功兵連禍結底安於危王宣遣人禦命行在遣使諭宋令降名進幣割地納質僅兵恩民以全吾力而圖後禦禦命不從然後傳檄示以大信使知殷下仁而不殺之意一軍出襄鄧一軍出鄖春一軍出維揚三道並進東西連橫殿下一軍為之節制使我兵力常有餘裕如是則未來之變或可弭已然之失或可救也丙戌會兵渡淮皇弟由大勝關張柔由虎頭關分道並進南軍皆遵壬辰次黃陂得沿江制置司榜有云今夏謀者聞北兵會敵取黃陂民船繫械由陽邏堡以渡會於鄂州皇弟曰此事前所未聽如

其言時沿江制置副使袁玠徵淮利唐括蒙古兵至黃陂漏人獻舟爲禡導九月壬寅朔親王穆格自合州遣使以憲宗凶問告皇弟請北還以繫人望皇弟曰吾奉命南來豈可無功速還甲辰登香爐山俯瞰大江南軍以大舟扼江軍容甚盛文炳言於皇弟曰長江天險宋所恃以爲國勢必死守不奪其氣不可臣請若之乙巳文炳率死士數百人當其前令其弟文用文忠載燐轔鼓櫂疾趨叫呼畢奮鋒既交文炳麾衆趨岸搏戰南

軍大敗明日率諸軍渡江軍士有擅入民家者以軍法從事凡所俘獲悉縱之進圍鄂州中外大震

大勝關在黃陂北八

十里虎頭關在麻城東北七十里隔連關在

黃州府西百二十里香爐山在漢陽縣西南

以吳潛爲左丞相兼樞密使賈似道爲右丞相兼樞密使職任依舊屯漢陽以援鄂潛入相首言鄂渚被兵湖南擾勦推原禍根由近年姦臣檢士設爲虛謀迷國誤君附和逢迎仁賢空虛名節喪敗忠義絕譽誤佞成風天怒而陛下不知人怨而陛下不察稔致兵戈之禍積爲宗社之憂章鑑高鏗等與丁大全同官傾心附處踰踰要途期奉來等羣小晦背國事日非侵淫至於今日沈斐賈趙與鄭之腹心爪牙而任姦臣甘爲之搏擊姦黨明血脈貳寧以欺陛下致危亂者皆此等小人爲之宣令大全致仕父等與禪鑑等竝管州軍不報

時邊報日急臨安團結義勇招募新兵增築平江紹興慶元城堡朝野震恐內侍董宋臣請帝遷都四明以避鋒鏃軍器大監何子舉言於吳潛曰若上行幸則京師百萬生靈何所依賴御史朱璽孫亦言鑑與一動則三邊之將士瓦解四方之盜賊蜂起必不可會皇后亦請留蹕以安民心帝遂止海甯節度使判官文天祥上言

請斬宋臣不報

唐元今南漢  
府即西明德

蒙古圍鄂州都統張勝權州事以城危在旦夕登城諭之曰城已為故家有但子女玉帛皆在將臺司從被取蒙古逼之遂焚城外民居將退會高達等引兵至寶似道亦屯漢陽為援蒙古乃復進攻還撤辰巴西爾領兵同降人諭鄂州使降抵城下勝殺降者以軍出襲辰巴西爾蒙古兵勢盛勝戰死達娶城固守先是達恃其武勇殊易似道每見督戰卽歎之曰雖巾若何能爲哉將戰必須似道親勞始出否則使軍士懈於其門昌文德語事似道使人詞曰宣撫在此何敢禦耶昔世祖向士壁皆從在軍事未嘗謂白似道由是銜三人而親文德時諸路軍兵咸聚於鄂吳濬用御史魏應子言移似道於黃州黃雖下流實當兵衝孫虎臣以精騎七百送之至蘿草坪候騎前有北兵似道大懼謂左右曰奈何虎臣匿似道出戰似道歎曰死矣惜不光明俊偉爾及北兵至乃老弱部所掠金帛子女而壘者江西降將儲再興騎牛先之虎臣出擒再興似道遂入黃州蒙古烏鰲哈達率騎三千營數萬人破橫山徇內地守將陳兵六萬以俟烏鰲哈達使阿珠潛自間道衝其中堅大敗之乘勝略襄陽二州入靜江府連破辰沅直抵潭州南軍斷其歸路烏鰲哈達出南軍後命阿珠夾擊南軍敗走遂蹙潭州城下

橫山在南寧府東八  
十里靜江今桂林府

蒙古烏鰲哈達攻潭州甚急帥臣向士壁極力守禦既遁飛江軍又暮斗轉社朝夕登城撫勞聞蒙古後軍且至遣王輔佑帥五百衆詣之遇於南嶺市大戰却之皇弟呼必賈遣特默齊將兵迎烏鰲哈達遂解圍引兵趣

湖南南嶺市在省北

五年以李庭芝爲兩淮制置大使兼知揚州新造火公私舖築二百餘萬又鑿河四十里入金沙餘廢場以省車運始平山堂敵揚城敵至則構望樓其上張弓弩以射城中庭芝築大城包之募汎南流民二萬餘人以實之號武銳軍修學賑餌民德之如父母

金沙餘廢兩鹽場皆在通州

蒙古括諸路兵以益襄陽道史天澤與樞密副使呼喇楚往經齊之天澤至呂文煥遣吏餉以鹽若天澤築長圍起萬山包百丈山令南北不相遇又築峴山虎頭山爲一字城聯互諸堡爲久駐計蒙古阿珠自白河率兵圍樊城遂築保鹿門山京湖都統制張世傑將兵拒蒙古圍樊之軍戰於赤澗浦敗績時羣臣多言高達可拔襄陽者御史李旺入言於賈似道似道曰吾用達如呂氏何旺出歎曰呂氏安則趙氏危矣呂文煥聞達且至亦不樂以語其客客曰易耳今朝廷以襄急故遣達吾以捷聞則達不必成道矣會渡哨騎數人文煥卽以大捷奏然朝廷實未嘗急於援襄也

萬山在襄陽府西十里百丈山在其南三十里虎頭山在府南三里峴山在南七里鹿門山在府東赤澗浦在府東南漢水上

沿江制置副使夏貴據蒙古阿珠於新城敗績初貴卒衆挾襄樊乘春水漲輕兵部都督至襄陽城下擒蒙古軍持械與呂文煥交語而還及秋大霖雨漢水溢貴分遣舟師出漢東岸林谷問阿珠謂諸將曰此虛形不可與戰宜堅舟師以備新城明日貴果趣新城至成尾洲爲蒙古萬戶將汝楫等舟師所敗士卒溺漢水死者甚衆戰艦五十艘皆沒范文虎以舟師援貴至櫓子洲亦爲蒙古所敗文虎以輕舟遁

新城在其南漢水中櫓子洲在成尾洲東南十里虎尾

(六年)以李庭芝爲京湖制置大使督師援襄樊時夏貴范文虎相繼大敗聞庭芝至文虎遣書責似道曰吾將兵數萬入襄陽一戰可平但願無使聽命於京關事成則功歸於臣相矣似道卽命文虎爲福州觀察使其兵從中制之庭芝屢約進兵文虎但與妓妾嬖伴鞦韆飲宴以重旨未至爲辭

蒙古阿珠與劉整上言固守襄陽必當以教水軍造戰船爲先務詔許之於是造戰船五千艘日練水軍七萬人雖雨不能出亦葺地爲船而習之

四川制置司遣將修合州城蒙古立武勝軍以拒之總帥汪惟正臨嘉陵江作柵扼其水道夜懸燈柵間編竹爲籠中置火炬順地勢轉走照百步外以防不虞南師知有備不敢逼嘉陵江即西漢水在釣魚山西今合州城東

關漢忠士金履祥以襄樊之師日急進奉制擣虛之策請以重兵由海道直趨燕南則襄樊之師不攻而自解聞者以爲迂闊然履祥所敘海泊經由之郡縣以及巨洋別陽難易遠近後驗之無或爽者按仁山之言極是然時無將才也

蒙古以董文炳爲山東路統軍副使治沂州沂與宋接壤缺兵仰內郡餉運有詔和糴本部文炳命收州縣所移文衆博達詔旨文炳曰第止之乃遣使入奏略曰敵人接壤知吾虛實一不可過民供頓甚勞重苦此役二不可困吾民以懷來者三不可蒙古主大悟囑之

蒙古張宏範言於史天澤曰今規取襄陽周於圍而緩於攻者計待其自斃也然夏貴乘江漲送衣糧入城我

無禦之者而江陵歸陝行旅休卒道出襄陽者相繼甯有自髡之時乎若築萬山以斷其西立柵澠子灘以絕其東則速髡之道也天灘從之遂城萬山徙宏範於鹿門自是襄樊道絕糧援不繼鹿門山南臨漢水

水中白蠟子灘也

(七年)蒙古以東道兵圍守襄陽命賽音謫德齊鄭曉率諸將水陸並進以趙嘉定汪良臣彭天祥出重慶扎

拉布哈出瀘州立吉思出汝州以奉制之所至順流艦筏斷浮橋獲將卒戰船其衆

按彭天祥出重慶見合州雖守敵不妨退過也

范文虎將衛卒及兩淮舟師十萬進至鹿門時漢水溢阿珠夾漢東西爲陳別令一壩趣會丹灘擊其前鋒諸將順流鼓譟文虎單逆戰不利棄旗鼓乘夜遁去蒙古俘具車獲戰船甲仗不可勝計

會丹灘在虎尾塘子之間

(八年)元阿珠劉整阿爾哈雅破樊城外郛守將堅閉內城阿珠等增築重圍以困之襄陽破圍五年援兵不

至呂文煥竭力拒之城中稍有積粟乏鹽薪布帛張漢英守樊城寡晝夜苦於營繕積草下浮水而出謂鹿門既築勢須自荆鄖援救至隘口元守卒見積草多鈎爲薪泗者被梗郢鄖之路亦絕至是詔荆湖制置

使李庭芝移屯郢州將帥悉駐新郢及均州河口以守要津庭芝聞知襄陽西北一水曰清泥源于均房即其地造輕舟百艘每三舟聯爲一舫中一舟裝載左右舟則虛其底而掩覆之出重賛募死士得襄郢山西民兵

之略恃督戰者三千人求得民兵部轉張順張貴俱智勇來爲諸將所服俾爲都統號貴曰矮張順曰竹園張出令曰此行有死而已汝輩或非本心宜亟去毋敗吾事人人感奮漢水方生泝汎發舟稍進關山下又逢高頭港口結方陣各船置火燒火礮燃炭巨炮勁弓夜漏下三刻起行以紅燈爲號黃率先順殿之乘風破浪

經犯襄陽至唐河元舟師渡水無繼可入順等乘鋤斷鐵繩縱橫百二十里元兵皆披靡聚明採  
襄陽城中久絕糧鹽等至順間過量多氣百倍及收軍獨失順越數日有浮尸逆流而上被甲胄執弓矢直  
抵浮梁順之順出其大箭怒氣勃勃如生諸軍驚以爲神祐家斂埋之郢州今安陸府在漢水北新郢在漢  
今粉河自房縣逕保康南津之北水東流舊稱郢以漢守也清況何郢  
至嚴城東南入漢即古彭水也

張貴既入襄陽呂文毅固固共守襄得其勇欲還郢乃募得死士二人能伏水中數日不食持糧晝赴郢求援  
於范文虎時元軍增守益塞水路連續數十里列撒星橋設魚網不得度二人遇機卽網斷之竟還郢還報許  
殺兵五千駐龍尾洲以助夾擊刻日既定貴別文燒東下點視所部軍泊岸舟帳前一人亡去乃有遇被殺者  
黃鸞曰吾事急矣亟行彼或未及知乃擊鼓謀發舟乘夜順流斷續破圍冒進夜半天黑至小新河阿珠劉  
整分卒戰船邀擊晝以死戰拒沿岸東荻列烟火光如白晝至勾林灘漸近龍尾洲遙望軍船旗幟粉披貴軍  
以爲郢兵來會喜躍而進擊流星火示之軍船見火卽前迎及勢近欲合則來舟皆元軍也蓋郢兵前一日以  
風水驚疑退屯三十里而元軍得逃卒之報先據龍尾洲以逸待勞質力困且出不意與之戰所部殺傷殆盡  
貴身被數十創力不能支遂被執見阿珠於櫛門關欲降之貴誓不屈乃見殺元令降卒四人昇貴戶至襄陽  
城下曰誠知張都統乎守陴者皆哭城中喪氣文燒斬四卒以貴附葬順家立雙廟祀之小新河勾林灘皆在  
龍尾洲南龍尾洲在

元阿爾哈雅奏言襄陽之有樊城猶齒之有脣也宜先攻樊城斷其聲援樊城下則襄陽可不攻而得元主以爲然會回回創作巨石礮來敵用力省而所擊甚遠命送襄陽軍前用之元劉整築新門於鹿頭山使千戶隨世昌總其役樊城出兵來爭且相且築不終夜而就整授軍二百余令世昌立礮築於樊城擗馬牆外夜大誓城中矢石如雨軍校多死傷連亘而破築

船江上世昌乘風縱火燒其船樊城出兵應戰擗馬橋下世

昌流血滿甲氣愈壯南師退入城

鹿頭山在襄陽城北故近樊城蓋一山也

九年樊城破樊被圍四年荆湖都統制范天順及部將牛富力戰不爲衄富數射中襄陽城中期呂文煥相與固守爲脣齒未幾阿爾哈雅以回回新築進攻張宏範爲流矢中其肘東創見阿珠曰襄在漢水南樊在其北我陸攻樊則襄出舟師來救終不可取若截水道斷救兵水陸夾攻則樊破而襄亦下矣阿珠從之初襄樊兩城漢水出其間文煥植大木水中鎖以鐵鉤上造浮橋以通援兵樊亦恃此爲固元水軍總管張福曰斷鎖毀木焚城必下阿珠以機鋸斷木以斧斷鉤燔其橋襄兵不能援乃以兵截漢而出銳師薄樊城遂破天順仰天歎曰生爲宋臣死爲宋鬼卽所守地縊死爲卒死士百人巷戰元兵死傷者不可計渴飲血水始戰而進逼居民燒絕街道富被重傷以頭觸柱赴火死裨將王福見之歎曰將軍死於國事吾豈宜獨生亦赴火死京西安撫副使呂文煥以襄陽久困援絕撤屋爲薪燒燭會爲衣文煥每一巡城南望慟哭而後下告急於朝貢似道累上書請行邊而除使臺諫上章留己樊城既破復申請之事下公卿雜議監察御史陳

盛等以爲師相出羸弱未必能及淮顧淮未必能及弱不若居中以運天下帝從之未幾阿爾哈雅率總帥索多等移破焚攻具以向襄陽一破中其讎樓聲如震雷城中洶湧諸將多踰城降者初劉整常躍馬獨前與文煥語爲文煥伏易所中幸甲堅不入至是欲立碎其城執文煥以快意阿爾哈雅不可乃身至城下宣元主所降招諭文煥詔曰爾等拒守孤城於今五年宣力於主固其宜也然勢窮援絕如數萬生靈何若能納款悉赦勿治且加遷擢文煥孤疑未決因折矢與之誓文煥乃出降先納筭鎗次廩城池且陳攻罪之策請己爲先鋒阿珠入襄陽阿爾哈雅遂偕文煥入朝元主以文煥爲襄陽大都督事聞似道貢於帝曰臣始屢請行邊陛下不之許向使早聽臣出豈不至此文煥兄文福知廬州文德子師夔知靜江府俱上表待罪似道庇之詔皆不問

四川制置司言劉整故吏羅鑑自北還上整書稿一帙內有取江南二策其一言先取全蜀揭平江南可定其二言清口桃源河淮要衝宜先城其地屯山東軍以圖進取帝亟詔淮東制置司往清口擇利地築城備之清口即今清河桃源其西鄙也

太學生郭昌子上守備六策一曰分游擊以屯南岸二曰重歸峽以扼要衝三曰備鄂漢以固上流四曰調精兵以護漢江五曰備下流以絕寢伺六曰飭隘口以備要害

元將相大臣皆以南伐爲請召姚樞許衡圓克坦公履等問計公履等曰乘破竹之勢席卷三吳此其時矣元

主然之以史天澤阿珠阿爾哈雅行荊州等路樞密院事鎮襄陽哈坦劉整達春蘆文炳行淮西等路樞密院

事守正陽天澤等陞辭詔諭以襄陽之南多有堡砦可乘機進取仍以鈔五千錠賜將士及賄新附軍民

前四川宣撫司參議官張夢發上書陳危急三策曰鎖漢江口岸曰城荊門軍當陽界之玉泉山曰峽州宜都而下聯置堡砦以保聚流民且守且耕並圖上城築形勢似道不以上聞下荆湖制司審度可否事竟不行五

山在當陽縣西北三十里

時國勢危甚太府寺丞陳仲微上封事其略曰襄陽之陷其罪不專在於庸閼疲將孩兵也君相當分受其責以謝先皇帝在天之靈天子若曰罪在朕躬大臣宜言咎在臣等宣布十年養安之往繆深憲六年玩敵之昨非救過未形固已無及追悔既往尚愈於迷或謂覆讒之意多尅責之辭少或謂陛下乏吳師之舊師相飾分過之言甚非所以慰恤死戰祈天悔福之道也今代貴乏知體之士翹館鮮有識之人吮脂茹柔積習成瘤君道相業兩有所虧顧此何時而在廷無謀國之臣在邊無折衝之帥監之先朝宣和未亂之前靖康既敗之後凡前日之日近冕旒朱輪轂轂俛首吐心奴顏婢膝卽今日奉賊稱臣之人也強力敏思捷疾快意卽今日叛君賣國之人也爲國者亦何便於若人哉迷國者進懷優之欺以逢其君誤國者慶恥敗之局而莫能議當國者昧安危之機而莫之悔臣昔思之今之所少不止於兵禦外之事將軍制之而一級半階率從中出斗粟尺布退有後憂平素無懦緩急有責或諸督或請行邊或請築城創聞駁聽因諸聞有辭於緩急之時故廟堂

不得掩殺於敗闕之後有謀莫展有敗無餘上下包羞無敢謂是以下至器仗甲馬義墮靡涼不足以備  
禦敵營壘柵折焚漏不足以當衝突之騎號爲帥聞名存實亡也城而無兵以城與敵兵不知戰以將與  
敵將不知兵以圖與敵光景蹙近目睫矣惟君相幡然改悟天下事尚可爲也似道大怒黜仲微江東提點刑  
獄

元人城馬驥山知台州張珏擊走之初蒙古兵入蜀珏副王堅協力戰守堅退以珏代之自開慶受兵民凋敝  
甚珏外以兵護耕內教民墾田積粟再期公私兼足劉整既叛獻計欲自青居進築馬驥虎項二山扼三江口  
以圖台州道統詔哈喇帥兵築之珏聞哈喇至乃張疑兵於嘉渠口潛師渡平陽灑火其資糧器械越若七十  
里焚船場由是馬驥城築卒不就珏善用兵出奇設伏算無遺策其治台州士卒必練器械必精御部曲有法  
避奴隸有功必優賞之有過雖至親必罰故人人用命馬驥山在台州東北百五十里虎頭山未詳疑在其南  
嘉渠口渠江入嘉陵江之口在台州東北渠江自慶安  
西注也平陽灑渠在台州東北三江

口在州東南嘉陵渠合涪水處也

元阿爾哈雅言荆襄自古用武之地漢水上流已爲我有順流長驅宋必可平阿珠又言臣略地江淮見宋兵  
弱於往昔今不取之時不能再元主速召史天澤同議天澤對曰此國大事可命重臣一人如安國巴延都督  
諸軍則四海混同可計日而待臣老猶足爲副元主曰巴延可以任此事阿爾哈雅因言我師南征必分爲三  
路軍不足非益兵十萬不可遂詔中書省發軍十萬人

元遣鳳州經略使寶都軍民總管洪俊奇等將兵伐日本戰船凡大小九百艘軍萬五千人元主以討日本事問趙良弼良弼曰臣居日本歲餘觀其俗狠勇嗜殺不知有父子之親上下之禮其地多山水無耕桑之利得其人不可役得其地不加官田況舟師渡海海風無期禍害莫測是謂以有用之民墮無窮之巨壑也臣謂勿擊便元主從之

初京湖制置使汪立信移書賈似道曰今天下之勢十去八九誠上下交修以迓續天命之幾重惜分陰以趨事赴功之日也而乃酣歌深宮嘯傲湖山玩歲憇月緩急倒施卿士師師非度百姓懼怨欲上當天心憐遂民物拱揖指揮而折衝萬里不亦難乎爲今之計者其策有三夫內郡何事乎多兵宜盡出之江干以實外禦算兵艦見兵可七十餘萬人老弱柔脆十分次一爲選兵五十餘萬而沿江之守則不過七千里若距百里而屯屯有守將十屯爲府府有總督其尤要害處輒三倍其兵無事則泛舟長淮往來游徼有事則東西齊奮戰守並用刁斗相聞餽餉不絕互相應援以爲聯絡之固選宗親大臣忠貞有幹用者立爲統制分蒞東西二府此上策也久拘聘使無益於我徒使敵得以爲辭請禮而屬之許輸歲幣以緩師期不二三年邊遽稍休藩垣稍固生兵日增可戰可守此中策也二策果不得行則衝蹙與械之禮請備以俟似道得書大怒抵之地謂曰賊狂曾敢爾蓋立信一目微眇云禁中以危法廢斥之

元史天澤言今大帥方興荆湖淮西各置行省勢位既不相下號令必不能一後當敗事元主是其首謀改議

西行中書省爲行樞密院天澤又以病表請專任巴延乃以巴延領河南等路行中書省所屬並轉節制元中書省會江漢未下之州諸令呂文煥率其麾下臨城諭之令彼知我善遇降將亦策之善者也元主從之元左丞相河南行省巴延會師於襄陽分軍爲三道並進巴延與平章行省阿珠由中道循漢水趨郢州萬戶武秀爲前鋒過水澠霖雨水溢無舟不能涉巴延曰吾且飛渡大江而憚此漢淶耶使一壯士騎而前導麾諸軍馬濟矣已次鹽山距郢州二十里張世傑將兵屯郢州在漢北以石爲城新郢城在漢南橫鐵網鎖取船塞橋樞木水中夾以磯石凡要津皆施機設守具元軍襲城世傑力戰元軍不能前遣人招世傑不聽阿珠獲俘民會沿漢九郡精銳皆萃於二郢若舟師出其間騎兵不能登岸此危道也不若取下流黃家灣堡保西有溝南通蘓湖可由其中拖船入湖轉而下漢僅三里呂文煥亦以爲便諸將曰郢城我之襟喉不取恐爲歸路患巴延曰用兵緩急我則知之大軍之出豈爲一城哉遂舍郢順流而下遣總管李庭劉國傑攻黃家灣堡拔之諸軍破竹席地縛舟由蘓湖入漢巴延阿珠殿後下不滿百騎元軍既去郢副都統趙文誠帥精騎二千追之巴延阿珠還軍迎擊之及泉州湖文義力戰而敗巴延擒殺之其士卒死者五百人餘衆皆潰元軍進至沙洋追俘持黃榜檄文入城守將王虎臣王大用斬俘焚榜巴延復命呂文煥至城下招之亦不應丙寅日暮風大起巴延命順風罩金汁礮焚其廬舍煙燄漲天城遂破生擒虎臣大用餘悉屠之進薄新城都統制邊居誼力戰文煥列沙洋所鹹於城下縛虎臣等至壁使招降居誼不答明日又至居誼曰吾欲與呂參政語耳文煥以爲降

己馳馬至伏弩亂發中文煥右臂并中其馬馬仆幾鈎得之索挾文煥以他馬奔還會連制黃順副總制任甯相繼出降其部曲多欲縋城出者居誼悉驅入當門斬之文煥乃麾兵攻城居誼以火具知之元總管李庭攻破外堡諸軍蟻附而上居誼度力不支拔劍自杀不殊赴火死所部三千人猶力戰悉死焉居誼舉家自焚巴延壯居誼號其屍觀之遂殺虎臣大用居誼隨人初事李庭芝積戰功擢都統制至是死節事聞詔立廟死所

按今龍紀山花山皆在安陸東北二十里豈鹽山歟黃家湖望疑在安陸東南直

蘭爲漢北諸水所匯在府東南泉子湖在府東鹿湖之東北也沙洋疑在湖南

初李庭芝帥淮南圍進士磯城陸秀夫名辟置幕下主管機宜文字秀夫性沈靜不求人知每僚吏至閭賓主交酬秀夫獨無一語或時宴集府中矜莊終日未嘗少有希合至察其事皆治庭芝益器之雖改官不使去己時稱得士多者淮南第一號小朝廷以秀夫爲淮東制置司參議

元巴延軍逼復州知州翟貴以城降諸將請點視其倉庫軍籍巴延不聽諭諸將不得入城連署以軍法論阿珠使阿爾哈雅來言渡江之期巴延不答明日又來又不答阿珠乃自來巴延曰此大事也主上以付吾二人可使渝人知之乎潛刻期而去乙未軍次蔡店丁酉往視漢口形勢時淮西制置使夏貴以戰艦萬艘分據要害都統制王達守陽逻僅京湖宣撫使朱讓孫以游擊軍扼中流元軍不得進阿珠部將馬福言自滄河走湖中可從陽逻保西沙蕪口入江巴延使覩沙蕪口夏貴亦以精兵守之乃進圍漢陽聲言取漢口渡江貴采移兵拒漢陽巴延乘間遣阿喇罕將奇兵倍道襲沙蕪口奪之辛亥自漢口開塢引船入滄河轉沙蕪口以達江

壬子阿珠計相謀而至以數千艘泊河濱日屯布蒙古漢軍數十萬騎於江北巴延遣人招諭陽關堡守將王達等曰我輩受宋厚恩戮力死戰此其時也安有叛道歸降之理備吾甲兵決之今日我宋天下幅員博孤注輪贏在此一擲爾巴延所諸將以白鷺子千艘攻之三日不克巴延密謀於阿珠曰彼謂我必拔此堡方能渡江此堡甚堅攻之徒勞汝夜以鐵騎三千汎舟虛船上流爲掩虛之計明日渡江焚江南岸已過則亟遣人報我阿珠亦曰攻城下策也若分軍船之半循岸西上泊青山磯下伺隙而動可以如志巴延計定乙卯遣阿爾哈雅督萬戶張宏範等進薄陽關堡度貴卒宋援之阿珠即以晉時卒四翼軍溯流四十里至青山磯是夜雪大作乘明阿珠遙見兩岸多躋沙洲卽登舟指示諸將令徑渡戰馬後隨萬戶史格一軍先渡爲前鄂都統程鵬飛所敗格中三創喪其師三百阿珠引兵繼之大戰中流格中流矢戰益力鵬飛亦却阿珠遂登沙洲營岸步騎撤而復合者數四出馬於岸力戰迫至鄂東門鵬飛被七創走阿珠獲其船千餘艘遂起浮橋成列而渡乃遣人還報巴延大喜揮諸將急攻陽關堡夏貴聞阿珠渡江大驚引麾下三百艘先遁沿流東下縱火焚西南岸大掠還蘆州陽關堡遂破王達領所部八千人及定海水軍統制劉成俱戰死元諸將請追封巴延曰陽關之捷吾欲遣使前告宋人今貴走是代吾使也遂渡江與阿珠會元諸將議師所向或欲先取斯黃阿珠曰若赴下流退無所據上取鄂漢雖遙旬日可以萬全巴延遂趣鄂州焚戰艦三千艘煙燄半天城中大恐時朱彊保帥師援鄂道聞陽關之敗夜奔還江陵知漢陽軍王儀以城叛降元鄂傍漢陽爲戒及誤保既還漢

陽復失鄂勢遂孤呂文煥列兵城下曰汝國所恃江淮而已今大軍渡江淮如踏平地汝輩不降何待懼守張  
晏然度不能守遂以州降程駰飛亦以其軍降幕僚張山翁獨不屈元諸將請殺之巴延曰義士也釋之因檄  
下信陽諸郡以駰飛爲荆湖宣撫使撤守兵分隸諸將取海昌糧四十萬斛以充軍餉命阿爾哈雅以四萬人  
守鄂而自率大衆與阿珠東下趨臨安阿爾哈雅戍鄂禁將士毋得侵掠其下無敢取民一菜者民大悅詔賈  
似道都督諸路軍馬時鄂州既破朝廷大憤三學生及羣臣上疏以爲非師相親出不可似道不得已始削都  
督府於臨安以孫虎臣總統諸軍以黃萬石等參贊軍事所辟官屬皆先命後奏仍於封樞庫撥金十萬兩銀  
五十萬兩調子一千萬貫充都督府公用元巴延遣程駰飛至黃州招諭陳奕奕使人過江請降且求名爵巴  
延曰汝旣率衆來歸何必慮及名號以沿江大都督許之奕大喜甚以城降仍以舊招知斯州管景模時沿江  
諸郡皆呂氏舊部曲望風款附復州今河陽州也蔡店在漢陽西六十里沙蕪口卽沙武口在陽灘西北十餘  
陽灘西南斜對也

書昌黎今武昌縣

(帝忌德祐元年)元兵攻斬州知州管景模以城降初呂師夔提舉江州興國宮請募兵以據元詔與知州錢  
誠孫同謀生是夏似道承制召爲都督府參贊任中流調遣師夔不受命與真孫遣人詣斬以江州降元巴延  
以師夔知江州元兵侵江州知安東軍陳旅夜遁時知壽昌軍胡夢麟寓治江州自殺知南康軍葉闖知德安  
府來興國知大安軍曹明俱迎降於江州師夔被烹夷陵公模遷宋室二三人藏節以獻巴延怒曰吾奉天

子命與仁義師同罪於宋豈以女色移吾志乎斥遣之元樞密院言宋連郡如嘉定宣慶江陵郢淮海皆阻兵自守宜降璽書招諭從之初元人南使用呂文煥與劉整爲儒導等別命整出淮南整銳欲渡江曰大軍自襄樊東下宋悉力西拒東方虜詔徑造臨安可一鼓而捷也巴延不可曰吾受詔特授東兵使無西爾濟江非所聞至是整率騎兵攻無爲軍久不克聞呂文煥入鄂捷至整失聲曰首帥東我使我成功後於人善作者不必善成果然遂發憤成疾死於無爲城下元以宣撫使夏居與簽書行中書省事戍鄂州居與謂阿爾哈雅曰江陵乃宋制閫重兵所屯聞其諸將不睦遷徙之民盈城復皆疾疫芻蕸乏闢杜門不敢樵采嘗乘隙先取之阿爾哈雅深以爲然知安慶軍范文虎遣人以酒饌詣江州迎元軍且謂巴延曰行樞密院臨城招諭衆心不從廟侯丞相巴延初以安慶城在山頂且兵糧皆足勢不可攻又慮文虎爲勁敵甚憂之及聞欲降大喜乃使阿珠先遣之文虎遂以城降通判夏椅仰藥死巴延至湖口繫浮橋以渡風迅水駛橋不能成乃禱於大孤山神有頃風息橋成大軍畢渡巴延承制授文虎兩浙大都督初夏似道畏劉整不敢出師及聞其死喜曰吾得天助矣乃上表出師抽諸路精兵十三萬以行金帛輶重船艦相銜百餘里命宰執小事專決大事則關白督府不得擅行又以所親信裨將爲殿帥總禁兵至安吉州似道以妻子托其愛將金明教其手曰我不負國家爾亦必不負我府庫募兵以援江上諸郡立信受詔即日上道以妻子托其愛將金明教其手曰我不負國家爾亦必不負我

遂行與賈似道還於鄱湖似道拊立信背哭曰不用公言以至於此立信曰平章平章諭賊今日更說一句不得似道因問立信何向立信曰今江南無寸土乾淨吾去尋一片趙家地上死第要死得分明耳既至建康守兵悉潰四面皆北軍立信知事不可成歎曰吾終爲國一死但徒死無益以此責國耳湖口縣在九江東六十里大孤山在九江東南四十里鄱陽湖中安吉州今安吉縣

新安池口縣南臨府東之青弋江也

元主將用兵日本問王磐以便宣勞言今方伐宋當用吾全力庶可一舉取之若復分力東夷恐曠日持久功卒難成俟宋滅徐圖之未晚也元主從之遣禮部侍郎杜世忠兵部郎中何文著質使日本

元兵攻池州知州王起宗遁去通判昌化趙卯發城州事繕壁聚糧爲固守計元遊騎至李陽河都統張林屢調之降卯發忿氣墮膺瞪目視林林不敢復言已而林率兵巡江險遭人納款而陽助卯發爲守守兵皆歸於林卯發知事不濟乃散其家貲與弟姪僕婢悉遺之元兵薄城卯發遂與妻雍氏同縊死於從容室林開門降

李陽河在池州府西六十里

賈似道以精銳七萬餘人盡屬孫虎臣軍於池州之下流丁家洲夏貴以戰艦二千五百艘橫亘江中似道自將後軍軍營潰失利於鄂恐督府成功無所逃罪又恐虎臣新進出己上殊無圖志會巴延令軍中作大械數十采薪燒煮其上陽言欲焚舟諸軍但晝夜嚴備而已巴延分步騎夾岸而進麾戰艦合勢衝虎臣軍時阿珠與虎臣對陳巴延命舉巨礮擊虎臣軍阿珠以划船數千艘乘風直進呼聲動天地虎臣先鋒將斃才方接

戰虎臣逼迫其妻所乘舟覲見之謂曰步帥猶矣竝圖賣不戰而走以屬舟掠似增船呼曰彼宋我事勢  
不支矣似道聞之錯愕失措道囁亟收軍械還爲元所破似道夜駐珠金沙召貴計事頃之虎臣至擁膺哭曰吾兵無  
一人用命者貴微笑曰吾嘗血戰當之矣似道曰計將安出貴曰諸軍俱膽落吾何以戰師相惟有入揚州招  
潰兵迎禦海上吾當以死守淮西耳遂解舟去似道乃與虎臣單舸奔逼揚州明日潰兵敵江而下似道使人  
登岸揚旗招之皆莫應至有爲惡語燒馬者丁家湖在靖陵東北二十里海港在燕湖縣西珠金沙似在今上元縣東北大江中當龍首門江口

元軍攻饒州知州唐震死之元兵攻臨江軍知軍鮑廉死之中齊合人王應麟智闊大憲者必略細故求實效  
者必去虛文請集諸路勤王之師有能率先而至者厚賞以作勇敢之氣并力進戰惟能戰斯可守因條上求  
將材練軍實備糧餉等事不報

以文天祥爲江西安撫副使知贛州勤王詔至賴天祥掩涕泣號郡中豪傑并結溪峒山巒有衆萬人遂入  
衛其友止之曰今元兵三道鼓行破郊畿薄內地君以烏合萬餘赴之是何異驅羣羊而搏猛虎天祥曰吾亦  
知其然也第國家養育臣庶三百餘年一旦有急徵天下兵無一人一騎入關者吾深恨於此故不自量力而  
以身徇之庶天下忠臣義士將聞風而起義勝猶謀立人衆者功濟如此則社稷猶可保也天祥性豪爽平生  
自奉甚厚聲伎滿前至是痛自抑損盡以家資爲軍費每與賓客僚佐語及時事輒慨然曰樂人之樂者憂人

之要食人之食者死人之事既者爲之感動

元主詔巴延以時方暑不利行師俟秋再舉巴延奏曰宋人之據江海如獸保險今已扼其吭縱之則逸而逝矣元主曰將在軍不從中制兵法也遂詔巴延以行中書省駐建康阿珠分駐揚州與博爾歡達春絕宋淮南之援巴延分兵四出鎮江就制石祖忠請降

元阿爾哈雅攻岳州安撫使高世傑會鄆復岳三州及上流諸軍戰船數千艘扼荊江口阿爾哈雅督諸翼水軍屯東岸世傑乘夜陳於洞庭湖中阿爾哈雅追逐世傑斬之以徇岳州總制孟子納舉城降荊江口洞庭水入江處也

元命阿珠分兵取揚州趙貢禡言於元主曰宋重兵在揚州宜以大軍先擣錢唐元主然之

管景權之降元也其子如德從之入覲元主問天下何以得宋何以亡如德對曰陛下以福德勝之襄樊宋咽喉也咽喉被塞不亡何待

文天祥兵至吉州江西制置副使黃萬石與天祥有舊嫌且忌其聲望出己右言於朝曰天祥軍皆烏合兒戲無益乃詔天祥留屯隆興府隆興今南昌府

京湖宣撫使朱禥孫湖北制置副使高達以江陵降元達先以夏似道忌其功懷怨望及元阿爾哈雅自岳州攻江陵連累戰敗遂與禥孫及提刑齊陽夢炎李湜等出降阿爾哈雅入城命禥孫械所部歸附於是歸峽郢復鼎澧辰沅靖隨常德均房龍州相繼皆降阿爾哈雅承制並復官守江陵捷聞元主謂近臣曰巴延東下阿

開哈和孤軍守鄂贛常憂之今荆南定高東兵可無復懼矣乃親作手書寫之授達參知政事禪保至上都死  
時元兵東下所過迎降李庭芝軍勦所無固守揚州阿珠遣李虎持招降榜入城庭芝殺虎於其榜頭制喝  
出軍持笏臣孟子細評來招降庭芝焚其符策俟商於市時出金帛牛酒燕犒將士人人感激自奮阿珠攻漢  
州知州苗再成宗子趙孟錦帥兵大敗於右橋皆敗績阿珠乘勝進趨揚州勢才爲三營陳逆之於三里溝敗  
之而珠佯退才逐之阿珠反騎至揚子橋揚州招幕官雷大震出戰死之兩軍夾水而陳元張宏範以十二騎  
絕淮衝才軍盛不可動宏範引却以誘之才將回突焉飛奪大刀直前向宏範宏範反擊刃刺之應手而  
仆元兵歡聲動地才軍遂潰阿珠與宏範追之自相騎擊又觸濠水死者甚衆流矢中才胸才拔矢揮刀而前  
元軍辟易不敢逼遂入城晝死守阿珠乃築長圍自揚子橋跨瓜州東北跨海頭至黃塘西北抵丁村務欲以  
久困之若築黃在蘇州東南二十里江蘇是二里湖在揚州城南揚子橋在湖城東南十五里揚子橋又南則瓜州屬嘉州城東北即湖頭其西黃塘西北丁村

環衛官劉師勇復常州加濠州圍糧使助燒晝守常以張彥守昌城兵威稍振由是浙右諸城降元者復興張  
世傑軍合師時知慶遠府仇子真淮東兵馬鈴輪阮克己各將兵入衛詔與張世傑張彥分道出擊元軍臺灣  
請命大臣監護事下公卿雜議久而不決陳文龍上言三后協心同底於道北兵今日取其城明日築某堡而  
我以文相逼以邊相疑營相逐洞取焚而爲安行徐步之儀也請詔大臣無滋虛辭不報呂城在丹陽縣東南五十里嘉定府

初成都安撫使曾萬壽守嘉定與元與元賽音謗德齊對壘賽音謗德齊一以誠意待之不爲侵掠萬壽心服未幾元召賽音謗德齊還萬壽請置酒爲好賽音謗德齊徑往不疑酒至左右言未可飲賽音謗德齊笑曰若等何見之小耶智將軍能齊我其能盡我朝之人乎萬壽歎服至是元主召汪良臣入朝命之曰成都被兵久須卿安集之良臣進攻嘉定萬壽堅守不出良臣度有伏兵大搜山谷果得而殺之進圍蘆城萬壽悉軍出戰大敗遂籍境內諸城降

揚州都統姜才副將張林率步騎二萬人乘夜攻元揚子橋木柵守柵萬戶史炳告急於阿珠阿珠率炮管管如德等自瓜州以兵赴之詣旦至柵下才軍夾水爲陳阿珠麾騎兵渡水夾擊陳堅不可動阿珠引却才進逼之戰不利而走阿珠麾步騎並進遂大敗如德生擒林才僅以身免士卒死者萬餘人

張世傑與劉師勇孫虎臣等大出舟師萬餘艘次於焦山令以十舟爲方碇江中流非有號令毋得發碇示以必死元阿珠登石公山望之曰可燒而走也遂遣僕卒皆載者千人載以巨艦分兩翼夾射阿珠居中合勢進戰繼以火矢鎗礮俱焚煙燄蔽江諸軍死戰欲走不能前多赴江死張宏範董文炳劉國傑復以銳卒橫衝世傑才復能卓奔圌山阿珠範追之獲白船子七百餘艘師勇還常州虎臣還真州世傑請演師不報石公山在鎮江府東北八里江濱與焦山對峙圌山在

其東亦江濱也最爲浦門險要

陳宣中去位初張世傑之將出師也王爚謂二相宣一人督師吳門否則臣雖老無能爲若效死於封疆亦不

故辭會世傑敗於鴆山塘復書曰事無重於兵今二相並建都督廟算指授臣不得而知比者六月出師諸將無統臣豈不知與門去京不遠而爲此請者蓋大敵在境非臨下自將則大臣謂督今世傑以諸將心力不一而敗不知國家尚堪殘敗耶臣既不得其職又不得其言乞罷平章太皇太后不許京學士劉九學等伏闕上書言中擅權黨賈似道趙滔趙與璫皆棄城遁宣中乃假使過之說以報私恩令孤槩濬說友皆以城降乃受其便宜而爲之羽翼文天祥率兵勤王信讞而沮撓之似道喪師辱國陽諦致罰而陰佑之元兵薄國門勸王之師乃留之京城而不遣宰相當出督而畏縮猶豫第令集議而不行呂師夔狼子野心而使之通好乞盟張世傑步兵而用之於水劉師勇水兵而用之於步指授失宜因以敗事臣恐誤國將不止一似道也初宣中事多專決不顧白塘或謂京學之論實煽惑之書上宣中徑去遣使四號召之不至

文天祥至臨安上疏言本朝遷五季之亂削藩鎮建都邑雖足以蟠尾大之弊然國以寢弱故敵至一州則一州破至一縣則一縣破中原陸沈痛悔何及今宜分境內爲四鎮建都督統御於其中以廣西益湖南而建閩於長沙以廣東益江西而建閩於隆興以福建益江東而建閩於番陽以淮西益淮東而建閩於揚州資長沙取鄂隆興取贛黃番陽取江東揚州取兩淮地大力衆乃足以抗敵約日齊衡有進而無退日夜以圖之彼備多力分疲於奔命而吾民之聚傑者又伺間出於其中如此則敵不難却也時礮以爲迂闊不報命天祥知平

元兵攻常州久不下昭文殿大學士姚樞言於元主曰陛下降不殺人之詔巴延濟江兵不踰時西起蜀川東薄海隅降城三十戶踰百萬自古平南未有如此之神捷者今自夏徂秋一城不降皆由軍官不忠國之大計不體陛下之深仁刻財剽殺所致揚州焦山淮安人殊死戰我雖克勝所傷亦多宋之不能為國實矣而臨安未肯輕下好生惡死人之常情惟懼我招徠止殺之信不堅耳宜申止殺之詔使賞罰必立恩信必行聖慮不勞軍力不費矣

李芾至潭州元游騎已入湘陰益陽諸縣城中守卒不滿三千芾結峒砦為援禡器械時蜀橫柵江修壁及元兵圍城芾慷慨登陴與諸將分地而守民老弱皆出結保伍助之不令而集芾日以忠義勉將士死傷相藉人猶飲血乘城殊死戰有來招降者輒殺之以徇

元巴延次灣頭阿喇罕自建康來會巴延令還建康起兵乃留博爾歡及阿里布守灣頭而自帥衆渡江至鎮江分軍為三道阿喇罕帥右軍自建康出廣德四安鎮越獨松關董文炳帥左軍出江入海以范文虎為鄉導取道江陰趣澉浦華亭巴延及阿塔哈將中軍以呂文煥為鄉導趣常州期並會於臨安常州告急朝廷遣張全將兵二千救之知平江府文天祥亦遣都將尹玉麻士龍朱華將兵三千隨全赴援士龍戰廣德敗死全不救走迴五牧時朱華駐軍五牧華欲掘溝塹設鹿角全皆不許既而元兵薄華華率廣軍與之戰自辰至未勝賈未決連晚元兵繞出山後博爾歡軍尹玉力戰殺千人全提軍隔岸不發一矢玉遂敗歸敗軍爭渡水挽全軍

船全令其軍斬挽櫓於是溺死者甚衆五收殘卒五百人復擊戰自夕達旦殺元軍人馬委積田間至復子  
殺數十人力屈被執元人恨之橫四槍於其項以棍擊殺之其部下皆死無一人降者天祥欲斬全以警衆帥  
府不許宥之使贖淘頭楊州城東北金剛壩也因安鎮在廣德東南五十里獨松關在餘杭西北七十五里微浦在海鹽真橋在常州府西南四十里五牧在東南四十五里運河濱也

元將宋都木達等長驅而進所至莫當其鋒隆興轉運判官劉榮以城降不數日取江西十一城進逼撫州時

黃萬石爲江西制置使開閩州治聞兵至奔建昌都統寧佑率衆逆戰進賢坪元兵呼曰降者乎聞者乎佑曰  
聞者也麾其兵突進至龍馬坪元進圖之數重矢下如雨佑身被四矢三槍猶揮雙刀率死士數十人斫圖南  
走前渡橋板斷被執宋都木達曰壯士也欲降之賛之月餘終不屈死進賢坪在進賢縣龍馬坪在其北四十里軍山湖下

元巴延至常州會兵圍城知州姚晉通判陳炤都統王安節劉師勇力戰固守巴延遣人招之辱喻百端終不

聽巴延怒命降人王貞臣役城外居民運土爲壘土至併人以築之且殺之煎油作礮焚其牌杖日夜攻不息  
城中甚急而晉等守志益堅巴延叱帳前諸軍奪勇爭先四面並進攻二日城破晉死之炤與安節猶苦戰或  
謂炤曰城北東門未合可走炤曰去此一步非死所矣日中兵至死焉元兵破獨松關馮驥死之守將張濡遞  
詔賜駕焚殿修撲獨松既破鄉疆守者皆望風而走朝廷大憤時勸王師僅三四萬人文天祥與張世傑議  
以爲淮東壁壘廣全城若與敵血戰萬一得捷則命淮師以截其後國事猶可爲也世傑大喜陳宜中白太  
后降詔以王師務宜持重識遂止祐書監陳著上疏請從天祥之議曰與其坐以待困曷若背城借一莫有一

幸則人心賣勇巨敵非必異多智力不遇乘勝長驅若少沮之則主兵之與懸軍其壯弱卽異矣宜中不驅出著知台州

潭州被圍湖南安撫使兼知州李芾拒守三閱月大小戰數十合至是元阿爾哈雅射書城中曰速下以活州民否則屠矣不答阿爾哈雅與諸將盡地分圍決隍水以樹梯衝阿爾哈雅中流矢創甚督戰益急城中大瘡力不能支諸將泣請曰事急矣吾屬爲國死可也如民何芾罵曰國家平時所以厚養汝者爲今日也汝第死守有復言者吾先戮汝

(二年)元兵蠭附壁城知衡州長沙尹鑑寓城中時方爲二子行冠禮或曰此何時行此迂闊事鑑曰正欲令兒曹冠帶見先人於地下耳既畢禮乃積薪局戶朝服望闕拜已卽縱火自焚鄰家救之火熾不可前但遙見烈燄中燬正冠危坐閨門少長皆死李芾命酒醉之字穀曰尹務寶男子也先我就義矣因留賓佐會飲夜傳令猶手書盡忠字爲號飲達旦諸賓佐出參議楊燧赴園池死芾坐熊湘閣召帳下沈忠道之金曰吾力竭分當死吾家人亦不可辱於俘汝盡殺之後殺我忠伏地叩頭辭以不能芾固命之忠泣而諾取酒飲其家人盡醉乃徧刃之前亦引頸受刃忠縱火焚其居退家殺其妻子復至火所大慟舉身投地自刎幕僚陳僕孫顏應焱鏞張英皆死潭民聞之多棄家自盡城無虛井縱林木者相望守將吳繼明劉孝思以城降元兵利於據掠徵屠之行省郎中和尙宣西曰拒我師者宋耳其民何罪既受其降卽是吾民殺之何忍且今列城多未附降

而殺之是盡其效死之心也阿爾哈雅從之由是袁遠衡永彬合道桂陽武岡皆降賊屢剽掠曾如職亦不屈死帝爲人所介不與強擗嘵事精微姦猾不能欺且強力過人自旦治事至暮無倦容夜半至三鼓始休五鼓復起視事之肅然若神明而好賢禮士復肅然可親雖一轄小邑必獎厲之居官廉潔無餘貨惟性剛直莊厲士友皆嚴惮之居官廳正有聲丁內閣家臣教授諸生舉動有體每行市中市人相謂曰是必尹先生門人也至是死節諸生往哭之者數百人蓋自少以志節出時京湖湖廣司學官時呂文德爲帥素恃慢士常試以難事逼倉卒立辦皆合其意一日謂幕曰朝廷有審音出師東應淮東誰可往者卽對曰某將可又曰兵器糧草若何卽對曰某營兵馬某庫甲某處矢石鈇糧口占授吏領勑案成文德大驚曰平生輕文人以其不事事也君材幹若此何官不可爲吾何敢不敢後遇判江陵江陵雄據上流突厥漢兵民雜處麻務繁築營隨事機決處之泰然無有心計苟出奇應變故所至有能擊

元諸將利據掠爭欲趨臨安巴延問計於郎中孟祺對曰宋人之計惟有竄聞耳若以兵迫之彼必速逃一旦盜起臨安三百年之積焚蕩無餘矣莫若以計安之令彼不懷正如取果稍待時日爾巴延曰汝言正合我意遣人至臨安安撫之朝廷遣監察御史劉岱如巴延軍奉表稱臣上等號旋貢綱銀二十五萬兩四乞存境土以奉蒸養且約巴延會長安鎮以輸平元巴延至長安鎮宣中連約不往護事巴延進次崇寧山阿喇罕董丈炳之師皆會游騎至臨安北關文天祥張世傑請移三宮入海而已帥衆背城一戰宮中不許由太皇太后遣

監察御史楊應臺上傳國璽以降巴延受之遣使召陳宣中出降降事而使蕭嘉特奉璽表赴上都是夜宣中還歸溫州之清澳吳安鎮在海南海北舉亭山在杭州府東北二十里北歸今北新關在府北十里清澳在溫州府東海中

益王廣王自亮會門出渡浙江而南巴延聞之遣范文虎將兵追之楊誠得報卽還曰我將死於彼以緩追兵楊亮節等遂襲二王及楊淑妃徒走匿山中七日統制張全以兵數十人追及遂同走溫州陳秀夫蘇劉義等聞二王走溫州繼追及於道遣人召陳宣中於清澳宣中來謁復召張世傑於定海世傑亦以所部兵來溫之江心寺舊有高宗南奔時御座衆相率哭座下奉益王是爲天下兵馬都元帥廣王易副之發兵除吏以秀王興據福建察訪使先往閩中撫吏民諭百姓檄召諸路忠義同獎王室會太皇太后還二宮晉以兵八人召二王還溫安宣中等沈其兵於江中遂入閩時黃萬石降元以書爲福建漕使欲取全閩以爲己功打連諸州方謀從萬石送款聞二王至復閉門以拒萬石南劍守臣林起龍遣軍逐之萬石敗走其將士多來歸兵勢稍振宣中等遂停檄海言真貴已復潰江州郡元諸戍將以江路既絕不可北歸皆欲托計寧還解江獨廣西宣慰使史格曰君等勿爲虛聲所懼待貴論傾害不可北歸取途雲南未爲不可豈敢以聚戍哉元行省又欲棄廣之墾廣德廣州并戍格州亦爲格所沮嘉會門杭州西南門

全太后與帝疊元兵北行至瓜州李庭芝與娶才涕泣書將士出兵奪兩宮將士皆感泣乃盡散金帛犒兵以四萬人夜據瓜州戰三時衆擁帝避去才追至蒲子市夜猶不退阿珠使人招之才曰吾甯死豈作降將軍耶

廣州苗再成亦號夢不克

瑞子府城在瓜州西今江信縣之瑞子口城也

